

RO VHONA Naledzi Yawe

Huno Ro Da U Mu Luvha

 Ndi dzhia iyi i pfanelo khulwane u vha fhano madekwana ano, kha iyi khuvhangano yavhudzi ya vhathu vha Vhakriste, u vha na itshi tshifhinga tsha u amba na inwi nga ha Murena Yesu washu o fhatutshedzwaho, Ane rothe ra vha fhano nga u mu hulisa, u Mu hulisa.

² Ndi zwavhudzi u vha na Mukomana Tony na Mukomana Williams, vha—vhaphuresidennde vhavhili, vha khuvhangano fhano kha la—la—la Tucson nahone na kha la Phoenix. Ro vha na tshumelo henengei nga matsheloni a Mugivhela wo fhiraho, zwa vhukuma ro vha na tshifhinga tshavhudzi henengei kha iyo Ramada Inn henengei n̄ha. Huno ri lavhelela u vha na tshiñwe tshifhinga tshavhudzi henengei, ri tshi thoma nga la fumiñahe la uno nwedzi, hune ha vha pfanelo yanga u vhuyeleta murahu u itela tshumelo yo lapfiswaho. Ri na, ndi a tenda, ndi masiku man̄a, ri tshi thoma nga la fumiñahe. Huno ndi elekanya uri Business Men's International Convention i thoma nga la fumbilimbili, fumbiliraru. Ndi henengei u swika nga la fumbilimbili, huno zwenezwo ndi na vhu—vhusiku vhuthihi kana mavhili, ndi a elekanya, kha—kha khuvhangano yavho. Ngauralo, iyi ndi pfanelo yavhudzi kha n̄ne u vha na tshifhinga tsha u kuvhangana na Vhakriste u mona na zwipiða zwo fhambanaho zwa shango, u bula vhudipfi hanga na lufuno kha Kristo, navho, huno ra vha na vhuñama havhudzi rothe. Huno zwino ni mpfarele a tho ngo ða fhano u diphina nga izwi zwiliwa zwavhudzi zwine nda ðivha uri ni nazwo. Fhedzi ndi elekanya . . .

³ Ndo vha ndi ngeno nn̄da kha mivhudzisano, ndi tshi khou rabelela vhalwadze, nahone ndi tshi khou lingedza u thusa muñwe nga thungo ha ndila. Huno ili ndi shango li lwalaho, la kale line ra khou tshila khalo, vhulwadze ndi vhunzhi nga maanda na khakhathi. Fhedzi vhukati ha zwoðhe zwa hezwi, a si tshitihu tshi mangadzaho uri ri na Muñwe ane ri nga sedza n̄ha khae, nga n̄ha ha hezwi zwithu, ra lusa u fhira hezwi.

⁴ Mini-ha arali ho vha hu si na Khushumusi ya vhukuma? Arali ho vha hu songo vha na Khushumusi ya vhukuma, zwo ralo, zwithu zwo vha zwi tshi ðo vha zwi si nga ndila ine zwa vha ngayo madekwana a ñamusi. Arali ho vha hu si na Khushumusi, ho vha hu tshi ðo vha hu si na tshidzo. Huno zwino ro livhana na Khushumusi, hafhu, zwo vhifhesa ngauri ro no i shandukisa, þhalutshedzo yayo ya vhukuma, i mabebo a Yesu, u swika fhedzi, zwo ralo, i tshi vhonala vhunga uyo Santa Claus o dzhia fhethu

ha Kristo kha Khushumusi, na iñwe nganea ya khumbulelo ya Kriss Kringle a tshi tsela fhasi nga tshumela, e na khedzi ya zvitambiswa mutanani wawe, a no dalela shango lothe nga vhusiku vhuthihi. Huno a thi divhi zwine na elekanya nga hazwo, zwo luga arali ni tshi ḥodou vhudza vhana vhanu hezwo; fhedzi ndo funzwa, nda elekanya uri Luñwalo lwo ri, “Ù songo zwifha.” Huno nga liñwe ḫuvha vha khou yo ni vhudzisa, “Naa uyu Yesu ndi tshenetsho tshithu tshithihi tshine Santa Claus a vha tshone?” musi vha tshi wana uri a hu na Santa Claus. Ngauralo, ndi elekanya zwa khwinesa uri ndi zwa khwinesa, nne mune. Uyo u nga di si vhe muhumbulo wanu. A thi khou ni vhudza uri ni tea u alusa hani vhana vhanu. Fhedzi ndi... Arali vha ni fasha ni tshi khou zwifha nga ha hezwo, zwenezwo vha khou yo amba liñwe ḫuvha uri khamusi uyu Muñwe ndi mazwifhi, na ene. Ngauralo itonu vha vhudza ngoho, ngoho ya vhukuma, huno zwenezwo vha do divha uri vha tea u ita hani, zwine na khou amba zwone. Ngauralo, a hu londwi uri nga nn̄da hu vhonala ho vhifha hani, na zwine vha khou ita ngei nn̄da, izwo zwi songo ri dina kha u ita Khushumusi zwine ya tea u vha zwone. Ni a vhona?

⁵ Ndi elekanya uri tshedza tshi penya lwa khwinesa swiswini. U swifhala hu tshi engedzea, tshedza tshi penya lwa khwine, tshinwe tshifhinga hu vha na tshedza tshituku fhedzi. Hune ha vha na tshedza tshinzhi, a li dzhielwi nzhele. Fhedzi u swifhala hu tshi engedzea, itsho tshedza tshituku tshi do penya tsho khwañha nga maända. Huno elelwani uri a hu na swiswi line li nga vha hone vhuhoneni ha tshedza. Tshedza tshi na maända nga maändesa u fhira swiswi, u swika li tshi kundelwa u ima vhuhoneni hatsho. Swiswi li kundelwa u ima musi ḫuvha li tshi thoma u penya, ngauri ḫuvha ndi lihulwane nga maändesa, tshedza tsha ḫuvha, lune tshi tou suķumedzela swiswi nn̄da, huno la si tsha vha hone.

⁶ Huno ili shango la swiswi, liñwe ḫuvha, li khou yo shandukela tshedzani tshothe. Musi Yesu Kristo Duvha la u luga a tshi do da hafhu, zwenezwo ri nga si tsha vha na swiswi. U swika nga itsho tshifhinga, u tou fana na musi ri tshi sedza nn̄da tshifhingani tsha vhusiku huno ra vhona nwedzi u tshi penya...

⁷ Nwedzi na ḫuvha ndi munna na mufumakadzi, ri tshi tou amba. Huno ḫuvha li siho, nwedzi u vhonisa tshedza tsha ḫuvha, kha lifhasi, u tshi li nea tshedza tsho fhungudzeaho, tshine ri nga vhona uri ri mona-mona hani nga tshedza tsha nwedzi u swika ḫuvha li tshi ṭavha. Huno zwenezwo ḫuvha na nwedzi zwi vha zwithihi, zwi fanaho, tshedza tsha ḫuvha na tshedza tsha nwedzi zwi a fana zweþhe.

⁸ Izwo ndi zwine Tshivhidzo tsha Murena Yesu Kristo tsha tea u vha zwone, tshi tshi vhonisa Tshedza Tshawe musi. A siho kha lifhasi nga muvhili wa nama, Tshivhidzo tshi tea u vha tshivhoniswa tsha Yesu Kristo kha dzino awara dla swiswi.

Musi Santa Claus na mukhavhisa u tshiṭaraṭani tshoṭhe, ri tea u zhamba, “Ndi mabebo a Yesu Kristo, huno a si madalo a Nicholas Mukhethwa!” Ri khou tshila kha tshifhinga tshi ofhisaho tsha swiswi, huno uwo ndi wone musi une tshedza tshashu tsha tea u penya zwa vhukuma.

⁹ Zwino, ri sa athu vhala Ipfi ḥa Mudzimu, ndi a mangala uri izwi, zwezwo arali ri tshi ḥo hulisa Ipfi ḥawé. Naa ri hulisa hani Ipfi ḥawé? Ri hulisa Ipfi ḥawé nga u ḥi vhala huno zwenezwo ra ḥi tenda. Zwino, ri tea u ḥi vhala, “Lutendo lu ḥa nga u pfa.” Huno zwenezwo arali ri tshi ḥi hulisa nga u ḥi vhaṭa, zwenezwo ri a Mu hulisa nga u tenda zwe ra zwi vhala.

¹⁰ Ngauralo zwino, u ita khuliso ya u thoma, musi ri tshi vhala Ipfi ḥawé, kha ri ime nga milenzhe yashu musi ndi tshi khou yo vhala tshipida tsha Luñwalo. Ri ima ri tshi hulisa u vhalwa ha Ipfi ḥawé. Ndī khou yo vhala hune nda ḥodou amba nga ha zwi bvaho hone madekwana a ɬamusi, lwa zwifhinganyana zwi si gathi fhedzi. Zwi khou do bva Buguni ya Mateo Mukhethwa, nganea ya Khushumusi. Kha ndima ya 2 ya Mateo Mukhethwa, ri vhala hezwi.

Zwino musi Yesu o bebwa ngei Betlehema kha ḥa Yuda... maduvhani a khosi Herode, vhonani, ho ḥa vhanna vha vhuṭali vha tshi bva vhubvaḍuvha vha swika Yerusalem,

Vha ri, Naa u ngafhi... o bebwaho e Khosi ya Vhayuda? ngauri ro vhona ɬaledzi yawe vhubvaḍuvha, huno ro ɬa u mu luvha.

Musi khosi Herode o no pfa izwi zwithu, a dinalea, na Yerusalem woṭhe nae.

Huno musi o no kuvhanganya vhotshifhe vhahulu vhoṭhe na avho vha mañwalo... vhatu fhethu huthihi, a ḥodisisa khavho hune Kristo a tea u bebwā.

Huno vha ri khae, Ngei Betlehema kha ḥa Yuda: ngauri ngauralo ho nwaliwa nga vhaporofita,

Huno iwe Betlehema, wa shango ḥa Yuda, iwe a u muṭukusa vhukati ha vhakololo vha Yuda: ngauri kha iwe hu ḥo ḥa Muvhusi, ane a ḥo vhusa vhatu vhanga vha Israele.

Zwenezwo Herode, musi o no vhidzela vhanna vha vhuṭali tshiphirini, a vha vhudzisesa tshifhinga tshe ɬaledzi ya vhonala ngatsho.

¹¹ Zwino kha ri kotamise zwifhaṭuwo zwashu lwa tshifhinganyana fhedzi, musi ri tshi amba na Muñwali wa ili Ipfi.

¹² Mudzimu Ramaandaoṭhe, ri a U livhuwa madekwana a ɬamusi zwi tshi bva vhuḍivhani ha mbilu dzashu kha lufuno lwa Kristo lwo shululelwaho mbiluni dzashu, mađuvhani aya a

u fhedzisela, nga Muya Mukhethwa. Ri a U livhuwa ngauri ri na pfanelo ya u kuvhangana rothe rine vhañe na u U luvha, nahone ri na uvhu vhutanzi ho fhaṭutshedzwaḥo, ha uri, linwe ḫuvha U khou ḫela Tshivhidzo Tshau. Ri a U livhuwa, u vha vhahwali vha Tshedza tsha tshino tshikhathi, u vha fhano ro lugela u vhonadza Ipfi lo fulufhedziswaho la tshikhathi tshine zwino ra khou tshila khatsho, ri tshi divha uri mathomoni Wo kovha Ipfi Lau. U tshi divha vhufhelo u bva mathomoni, tshikhathi tshinwe na tshinwe, Wo kovha Ipfi Lau kha itsho tshikhathi. Nga iñwe ndila, a ri divhi uri zwo vhuya zwa bvelela hani, fhedzi kha tshikhathi tshinwe na tshinwe tsha izwo zwikhathi, musi ri tshi sedza murahu kha Ipfi Lau, huno ri vhaba uri ho vha na ndodzo ye ya da nga itsho tshikhathi, ye ya khunyeledza ilo Ipfi. Huno kha mađuḥva ane zwino ra khou tshila khao, hu na Ipfi lo kovhiwaho, pfulufhedziso ya tshino tshikhathi. Ri tenda uri Muya Mukhethwa u fhano kha lifhasi zwino, u tshi khou lingedza u wana dzimbiļu, u vhonadza na u khunyeledza, nga u khwaṭhiseda Ipfi line zwino la porofitelwa ḫuvha lino na awara.

¹³ Musi ri tshi sedza murahu, miñwaha ya gidi datahe yo fhiraho, ho vha na Ipfi lo porofitwaho u bva Ngadeni ya Edeni, nga ha Mutshidzi a no khou da, huno ho vha na Muñwe we a da huno a khunyeledza Ipfi linwe na linwe le la porofitwa. Vhutshilo Hawe ho khwathisedza Ipfi la Mudzimu, ngauri O vha e Ipfi. U khunyelela ha Mudzimu ho dzula Khae. O vha e phi—Phindulo na U Khunyelela ha zwoṭhe zwo vhaporofita vha amba. Huno zwino madekwana a ḥamusi ri fhano ri khou sendela, hafhu, munyanya wa mabebo Awe.

¹⁴ Huno, Murena, ri a ḫisola nga maanda u divha uri na lushaka lwa hashu lwo ḫiputela nga luñwe lushaka lwa nga—nganea ya khumbulelo ya muñwe ye ya vha yo tea u vha nganetshelo i si ya ngoho. Fhedzi, Murena, ri a divha uri mutendi wa ngoho u a divha uri izwo zwo khakhea, huno zwo itwa fhedzi nga swina, u dina thalukanyo dza vhatthu kha Mudzimu wa ngoho nahone a tshilaho.

¹⁵ Mudzimu, ri rabela uri Vhuhone Hawe vhu do vha na rine madekwana a ḥamusi musi ri tshi dzhena kha nganea ya Khushumusi. Huno tendela, Murena Yesu, arali hu tshi do vha na ramabindu kana musadzi fhano tshi—tshifhaṭoni madekwana a ḥamusi, ane a vha uri ha athu Mu ṭanganedza sa Mutshidzi wawe, ngavhe uvhu vhu tshi vha vhusiku vhune mbilu dzavho dza do vha mukungwa u no do vha mushasha, madekwana a ḥamusi, sa zwo zwa vha zwi zwone tshifhingani itsho, Yesu o landulwaho nahone o nyadziwaho, Mesia wa Mudzimu. Ngavhe vha tshi ṭuwa ngeno, madekwana a ḥamusi, vha na Naledzi ya Mutsho yo nembelela nga n̄ha havho, i tshi vhabonetshela ndila yavho u swika vha tshi kona u pfuka Yorodane linwe ḫuvha nga

Tshedza tsha hoyu Muñwe. Zwi tendele, Khotsi, ngauri ri zwi humbelia nga Dzina Ławé na u itela vhugala Hawe. Amene.

Ni nga dzula.

¹⁶ Kanzhi ndi a lapfisa zwiłuku ndi tshi amba; a thi nga do lingedza u rera madekwana a ńamusi, ngauri ndi na manzaranzara. Fhedzi ndi do takalela u ńea litambwa liłuku la iyi nganea ya Khushumusi. Huno a hu na thimothimo, nga nnđa ha line na do li pfa zwifhinga zwinzhi, na lwonolu Luñwalo luthihi lu tshi vhaliwa, li do da kha radio dzanu, ngomu ha thelevishini dzanu, na—na kha zwivhidzo zwanu, vhafunzi vhavhudí vha fulufhedzeaho vha vho inwi vhoramabindu, na vhańwe-vho, vha do—vha do pfa nganea ya Khushumusi, huno vha do anetshela nganea ya Khushumusi, kha ndi ralo.

¹⁷ Huno zwino ndi do takalela u sendela khayo nga ndila yo fhambanaho zwiłuku na zwe nda ita Mugivhela wo fhirahó kha Business Men's Chapter ya Phoenix, nga ha uri ndi ngani Yesu o bebwa Betlehema. Huno ho vha hu si nga vhi na huńwe fhethu-vho he A vha a tshi do vha o bebwa hone, ni a vhona, ngauri lwo amba Dzina Ławé na zwe A vha e zwone. Huno izwo ro zwi wana nga Luñwalo, uri Ene, Betlehema, ndi Nndu ya Tshinnkwa tsha Mudzimu, nahone O vha e Tshinnkwa tsha Vhutshilo tsha Mudzimu. Huno ho vha hu si na ndila... Huno zwi ri ńea u divha-ha uri rińe, Vhakriste vho bebwaho hafhu rothe, ro bebwa Betlehema. Kristo ndi Betlehema ya Mudzimu, Nndu Yawe ya Tshinnkwa tsha Vhutshilo Vhu Sa Pheli.

¹⁸ Zwino, madekwana a ńamusi, ri khou yo sendela khalo nga ndila yo fhambanaho. Ndi khou yo dzhia lińwalwa langa madekwana a ńamusi, Murena a tshi funa, *Ro Vhona Naledzi Yawe Huno Ro Da U Mu Luvha*.

¹⁹ Avha vhanna vha vhułali. Ri na muhumbulo fhano, nahone ri a vhudzwa nga maitele, zwauri ho vha hu na vhanna vha vhułali vhararu, naho zwo ralo a ri divhi uri izwo ndi ngoho. Bivhili a i ambi zwauri vho vha vhe "vhararu." Naho zwo ralo, ndo vha na pfanelo ya u ita mushumo India, hune vha bva hone, huno vha enda vhe vhararu. Ndi zwauri, ri kha di vha vhona. A si kale-kale ndo vha ndi India. Huno hafha ni vha vhona vha tshi nga vho tumba tshitarałani, nga masiari, na thoho dzavho dzo kudana, vha na mińadzi yavho, vho dzula heneffo vha tshi tou nga vha kha muloro wa masiari. Na kathihi a vha dzuli heneffo fhasi, vha tou tumba. Huno izwo ndi ngazwo, ndi tshi elekanya, uri ri tenda zwauri ho vha hu na vhanna vha vhułali vhararu, ngauri vha enda nga vhararu.

²⁰ Huno vho ri, "Ro vhona Naledzi Yawe Vhubvađuvha huno ro da u Mu luvha." Nga mańwe maipfi, "Ro vhona tshiga Tshawe tsha tshino tshikhathi," tshe vha vha vha tshi khou tshila khatsho. Zwo vha zwo porofitwa nga u ralo.

²¹ Ni a vhona, ndi tenda zwauri Ipfi la Mudzimu ndi la U Ya Nga Hu Sa Fheli, ngauri, “U rangani Ipfi o vha e hone, huno Ipfi o vha e na Mudzimu, huno Ipfi o vha e Mudzimu. Huno Ipfi a itwa ḥama, huno a dzula vhukati hashu.” Ngauralo Ipfi li nga si shandukiswe na kathihi, Ndi la U Ya Nga Hu Sa Fheli. Ndi Mudzimu Ene muṇe nga—nga tshivhumbeo tsha khandiso, ndi Bivhili, Ipfi la Mudzimu.

²² U tea u haṭula tshivhidzo nga muṇwe muelo. Huno A nga si tshi haṭule nga muelo wa iñwe sisteme-vho ye ra i ita, ngauri iñwe na iñwe ya sisteme dzashu yo itwa nga muthu. Huno i do tea u haṭuliwa. Zwenezwo arali—arali ni tshi do ḥoda u sa tendelana nazwo huno na ri, “Hai, ndi tenda zwauri no khakha heneffho, Mukomana Branham. Ndi tenda *yashu*.” Kana muṇwe muthu o vha a tshi do ri, “Zwo luga, *yashu* ndi yone.” Zwenezwo ndi ifhio i re yone, ngeno hu na sisteme dzo fhambanaho dzawo dza ḥatahe na zwithu? Ngauralo Mudzimu o kundelwa u haṭula tshivhidzo nga phambano dzo fhambanaho dza sisteme dza mađana a ṭahe na zwithu.

²³ Fhedzi hu do vha na Muniwe. O ri U do “haṭula shango nga Kristo, Yesu Kristo.” Huno Kristo ndi Ipfi, ngauralo ri do ima kha khatħulo nga Ipfi la Mudzimu.

²⁴ Zwino, na kathihi Mudzimu ha iti tshiñwe tshithu-vho a songo thoma a sumbedza tshiga. Ha na mulandu wa u vhuya a ita tshiñwe tshithu-vho nga nn̄da ha u thoma—u thoma nga u tshi divhadza nga tshiga Tshawe.

²⁵ Huno avha vhanna vha vhutali vho ri, “Ro vhona Naledzi Yawe Vhubvađuvha,” vho vha vhe Vhubvađuvha musi vha tshi I vhona, ye ya vha i Babele, ye ya vha i vhubvađuvha ha Yerusalem; huno vho vha vhe Vhukovhela, nga murahu ha miñwaha mivhili, vha tshi ri, “huno ro da u Mu losha.”

²⁶ Maitele a Tshikriste a na riñe ri tshi da kha lushie luṭuku, lwo lalaho mukungwani, vhanna vha vhutali. Izwo a zwo ngo ralo. Luñwalo lu fhambana na hezwo. Luñwalo lu ri, “Vho da kha ḥwana muswa,” hu si ni lutshetshe. Herode o vhulaha vhana vhoṭhe u thoma nga vha miñwaha mivhili u tsa fhasi. Ni a vhona, huno sedzani he vha do tea u enda nga gamela u swika henengei, zwo vha dzhiela miñwaha mivhili u vuledza lwendo, vha tshi tsela fhasi, nga Mulambo wa Tigiris na u pfukela seli. “Ro vhona Naledzi Yawe,” musi vho vha vhe Vhubvađuvha, “huno ro da vhukovhela u Mu luvha.”

²⁷ Zwino dzhielani nzhele, Khushumusi zwino yo no shanduka. Zwino, duvha la vhukuma la Khushumusi, ri...ilo lo vha li tshi do ītelwa khaedu, ngauri a ri li ḥivhi. Ndila ine ra dzhia Khushumusi ngayo, arali no no vhuya na i guda, ri khou dzhia mu—muhumbulo wa tshivhidzo tsha Roma Kaṭolika wa uri Khushumusi yo vha i lini. Zwa vhukuma, Kristo a nga si vhe o bebwā nga ḥuvha la vhufumbilihanu la Nyendavhusiku,

huno la vha u ya nga Mañwalo, ngauri hu na fithi dza furaru dza mahada kha la Yuda nga itsho tshifhinga, ni a vhona, ngauralo vha...hu nga si vhe ho vha hu vhalisa vhe vha vha vhe nn̄da mivhunduni, na zwiñwe-vho, nahone zwe vha zwi tshi do fhambana-ha na mupo woþe. O da vhunga mupo.

²⁸ Ngauri, Mudzimu u na mulayo, huno iyo milayo i nga si shandukiswe. Duvha li a kovhela, inwi ni nga si ri, "Zwo luga, li nga si ȝavhe." Li a ȝavha. Tshilimo, mariha, na zwiñwe-vho, ndi milayo ya Mudzimu ye A i vhea nga ngona. Huno yone, muñwe na muñwe, u shuma nga vhukoni.

²⁹ Zwino, fhedzi, khamusi O bebw̄a nga Lambamai kana Shundunthule, muthihi. Musi, O vha e Ngwana, huno tshiñwe na tshiñwe tshithu tsho sumbedza uri U do vha Ngwana. Izwo ndi ngazwo O bebw̄a mukungwani, duluni, nahone hu si nduni; ngauri ngwana dzi zwalwa nn̄da maðuluni, thangani na zwithu, nahone hu si nduni. Musi A tshi iswa u vhambiwanı, O khadwa. Ni a elelwa, ni ranga phanda nngu. Ri ya vhuthavheloni hafha phasi, vha na mbudzi kana tshiñwe tshithu tshi no ranga nngu phanda; nngu i nga si ye nga yone inę, i tea u rangwa phanda. Nga ndila inwe na inwe, O ralo, ngauralo zwenezwo kha mupo O do tea u bebw̄a musi ngwana dzi tshi zwalwa. Huno izwo ndi nga Lambamai, ni a vhona, afho ndi tsini na musi A tshi bebw̄a.

³⁰ Fhedzi zwenezwo musi Vhukriste vhu tshi dzheniswa kha Vhuroma huno ha vangiwa ngei Nicaea, zwenezwo vho vha na mudzimu wa ȝuvha, Jupiter, mudzimu wa ȝuvha wa Roma, ȝuvha lawe la mabebo lo vha li nga la...vhukati ha...tsini na ȝuvha la vhufumbiliþhanu la Nyendavhusiku. Ngauri, sekhasi ya Roma yo thoma nga la vhufumbilinhihi huno ya ya phanda u swika la vhufumbiliþhanu, le la vha li kha munyanya wa ȝuvha la mabebo la mudzimu wa ȝuvha. Ngauralo hu tshi tanganywa tshihedeni tsha Vhuroma na-na Vhukriste, vho ri, "Kha ri li ite ȝuvha la mabebo a Murwa-wa-Mudzimu, huno zwenezwo roþe ri nga tendelana khalo." Ni a vhona, tshifhinga tshoþe zwe vha kha sisteme dza u sa dzhieila Ngoho n̄tha, tshifhinga tshiñwe na tshiñwe, zwe ralo tshifhinga tshoþe.

³¹ Ngauralo namusi ri wana uri ngomu heneffo vho longa tshiñwe na tshiñwe, holodei dzashu dzoþe dzo tshikafhadzwa. Paseka yashu, a i tsha vha mvuwo ya Kristo, i sokou vha luñwe lushaka lwa muvhuda wa Paseka, kana muñadzi muswa, kana-kana tshiñwe tshithu, kana sekwa lituku la phink; a zwi na mushumo na mvuwo ya Kristo, a zwi fhirı Santa Claus a na tshiñwe tshithu-vho tshine a nga ita nga mabebo a Yesu Kristo. Fhedzi ndi shango! Huno shango la makwevho li na tshiñwe na tshiñwe kha tshiimo tsha ndaðo na vilinga u swika, zwi sa mangadzi, Mudzimu a si na mulandu kha u fhisekanya itsho tshithu. Huno U khou yo zwi ita, O fulufhedzisa uri U do zwi ita. Huno li tea u dzhena kha ili vilinga uri hu...A hu na mafulufheló khalo, lo lovha.

³² Huno zwino, fhedzi kha iyi awara ya ili swiswi, vhunga ndi tshi amba, ine ra tshila khayo, Vhakriste vha kha di tea u vha vho fara itsho Tshedza, tsha uri hu na Ngoho kha Khushumusi, ya uri ndi mabebo a Yesu Kristo, Murwa wa Mudzimu. Lupenyo lwa makombikombi, lwa mafhande ngomu lutomboni lwo swifhalaho, lwa makole, lwo sinyuwaho, lu sumba uri hu nga vha na tshedza swiswini. Lu sumbedza uri hu nga vha na tshedza tshifhingani tsha swiswi.

³³ Ili line nda khou amba nga halo madekwana a namusi, li nga di tou vhonala li si la nga misi zwičukunyana, nahone nga maanda la idzi notsi na Maňwalo e nda a ñwala hafha, ane nda do amba nga hao, musi vhunzhi havho vha tshi khou ñwala Maňwalo, na zwińwe-vho. Zwino, ndi zwi si zwa nga misi zwičuku. Fhedzi, ndi ḥoda inwi izwi ni tshi zwi vhulunga thalukanyoni yanu tshifhinga tshothe: Mudzimu u a si wa nga misi, Mudzimu u ita zwithu zwi si zwa nga misi. Iyo ndi yone khakhathi kha rińe namusi, ri swika hune ra dzula nga maanda kha zwithu zwa nga misi, lune, musi tshińwe tshithu tshi si tsha nga misi tshi tshi itea, zwenezwo ri—ri—ri vha ro bva khatsho rothe, a ri divhi tsho bvelelaho. Mudzimu u ita zwi si zwa nga misi. Huno muthu muńwe na muńwe-vho we a vhuya a vhala Bivhili, u a divha uri tshifhinga tshothe Mudzimu u ita zwi si zwa nga misi.

³⁴ Huno, elelwani, izwi zwothe zwe dzula zwe dzudzanywa nga Mudzimu Ene muńe, aya mabebo a Murwa Wawe. Huno uri a do tea u itea lini, na uri o vha hani, nahone o vha lini, zwothe zwe vha zwe dzula zwe dzudzanywa nga Mudzimu Ene muńe.

³⁵ No zwi dzhiela nzhele, o do tea u vha nga tshino tshifhinga musi iyi khosi ya vhuvhulai, Herode, a si tshithu nga nnđa ha muvhulai, o vhulaha avho vhana vhačuku vhothe, uri zwi kone u khunyelela zwe zwa ambelwa Murena nga muporofita, a tshi ri, “Ngei Rama, Rahele a tshi khou kańa, a tshi khou tswimilela vhana vhawé, huno a vha tsheeho.” Ni a vhona, ho do tea u vha na khosi ya vhuvhulai u khunyeledza uvho vhuporofita ho ambiwaho phanda ha mińwaha ya madana manzhi. Fhedzi, musi Mudzimu a tshi amba Ipfi nga muporofita Wawe, Li tea u khunyelela arali Li Ipfi la Mudzimu. A hu londwi uri Li lenga hani, Li do di khunyelela ngauri Ndi Mbeu. Yesu o amba zwauri Ipfi la Mudzimu ndi Mbeu ye Muzwali a zwala. Ngauralo I fanela u anwa mutshelo Wayo nga khalańwaha Dzayo. Huno zwino iyi khosi ya vhuvhulai yo do tea u vha hone nga itsho tshifhinga, u vhulaha avho vhana.

³⁶ Tshińwe tshithu tshine ra ḥoda u tshi dzhiela nzhele, nga tshenetsho tshifhinga, ndi tsha uri o do tea u gonyisa mithelo kha vhathu. Huno, nga u ita hezwo, izwo zwe kombetshedza Yosefa na mufumakadzi wawe (mufumakadzi wawe o fulufhedziswaho, Maria) u kombetshedzwa u humela murahu Betlehema.

³⁷ Mudzimu u divha ndila ya u ita zwithu. U do vhuya a ita uri mishumo ya swina i Mu rende. Musi, ri tshi elekanya nga tshiñwe tshifhinga uri ndi zwenezwo fhedzi “ri tea u ita *hetshi* nahone ra ita *hetsho*” u ita uri watshi i tshimbile zwavhuđi. Tshishumiswa tsha u kala tshifhinga tsha Mudzimu tshi khou tshimbila nga vhukoni, huno Yesu u do vha fhano nga tshifhinga. Ha nga vhi murahu nga muthethe na muthihi. Tshiñwe na tshiñwe tshi do bvelela kokotolo nga ndila ye Mudzimu a ri tshi do ralo. Ngauralo, kana ri a *zwi* ita kana a ri *zwi* iti, hu do vha fhano nga u tou ralo, ngauri Mudzimu o zwi amba, huno zwi do vha nga u ralo.

³⁸ Zwino ri wana, uri mithelo, ye uyu Herode a amba zwauri vhathu vhothe vho ūswaho fhethu ha mabebo avho, vha fanela u vhuya. Hezwo, o elekanya uri o vha a tshi khou ita tshiñwe tshithu tshihulwane heneffo, musi o ita hezwi; huno a sa divhi uri o vha a tshi khou shuma kokotolo hu na pfano na Jehovah. Ndi vhangana vhotshifhe vhe khamusi vha sema Herode nga itsho tshifhinga, nga Dzina la Murena! Ndi vhangana vho imaho, khamusi tshiphirini, huno vha ri, “Oo, uyu Muroma, ndi... Arali ro vha ri tshi nga mu fara, ro vha ri tshi do ita *tshikenenēnē*, na *tshikene*,” vha sa divhi uri zwe vha zwi tshi khou tshimbila kokotolo u ya nga pułane ya Mudzimu.

³⁹ Tshiñwe tshifhinga, namusi, ri sema Vhukomunisi na izwi zwithu zweithe. Zwine, ndi a humbulela, hu a vhu tea. Fhedzi arali no divha fhedzi ngoho, vhu khou shuma kokotolo tshandani tsha Mudzimu, u ita kokotolo zwe A amba uri vhu do ita. U tea u vusa tshiñwe tshithu u ūsa Babele kha lifhasi, huno U na tshishumiswa zwandani Zwawe. Inwi itonu vhala Lunwalo, zwe nwalwa henehafho zwe A ri U do ita.

⁴⁰ Huno arali avho vhashumeli vha ilo duvha vho tou vhala nahone vha guda ilo Ipfi, vho divha uri izwo zwe do tea u bvelela.

⁴¹ Zwino ri dzhiela nzhele-ha uri kha u thelisa uhu hulwane, khosi yo bvisa mulayo wayo, kana ndaela yayo, ya uri vhathu vhothe vha do ya fhethu ha mabebo avho, hu sa londwi. Zwino, u vhonala a tshi nga tshithu tshi sa takadziho, uyo musadzi mułuku a ūngufhadzaho, ngomu afho fhethu he a vha e hone, a tshi lemela e na nwana, huno a do tea u fara ulwo lwendo lulapfu. Namusi, ro vha ri si nga tou kona u elekanya u mu dzenisa kha ambulentsi. Huno o do tea u ralo. Arali no vhuya na vha ngei Palestina, huno na vhonon he a tea u fhira kha ayo matombo mahulu a hwasaho, a giranete, ntha a fhira heneffo, e mułanani wa kumeilana. A hu londwi uri ho vha ho vhfifa hani, na uri ho vhonala hu na tshiñuhu hani, idzo dzo vha dzi ndaela dza khosi, muñwe na muñwe u fanela u zwi ita, muswa kana wa kale, o dilugisaho kana a songo dilugisaho, vho do tea u zwi ita, naho zwe ralo.

⁴² Huno tshiñwe tshifhinga ri elekanya uri, mihwalo yashu. Ndi nga ñi longa heli henehafha, la uri, ri elekanya uri mihwalo yashu i a lemela nga maanda tshiñwe tshifhinga, lune a hu na tshi no nga yone shangoni. Naa ni a divha uri izwo zwithu zweithe zwe ni lugela? Zweithe ndi zwa u ni vhumba, u ni ita. Vhaporofita na vhañali vho vhumbwa murahu ha phanga, duvhani li fhisaho, li nzhangamaho, nga mañtungu na milingo, na mitovholo. Huno izwi zwithu zwine ra vha nazwo ñamusi, a hu na tsho bvelelaho kha riñe tshi songo bvelelaho kha vhañwe Vhakriste, phanda. Vhañwe Vhakriste vho do tea u tangana na awara ya swiswi vhunga heyi, huno vha vhuya vha ñewa ndau uri dzi vha le, u itela vhuñanzi havho.

⁴³ Huno zwenezwo ri a nyadza, nga bvumo liñuku, kana muñwe muthu ane ra elekanya uri ri ene, "Zwo luga! Zwo luga, ndi wa *Mukeneñene*, itshi tshiñwe tshivhidzo tshine na tshi divha. Ndi a ofha uri ndi ño disa lunyadzo arali nda . . ."

⁴⁴ Ni songo ofha vhuñanzi hanu ha Yesu Kristo! Phaðaladzani Tshedza tshañu! Imelani zwiné na tenda zwone, zwauri "Ndi ene Murwa wa Mudzimu. Huno uvhu a si vhusiku ha madalo a Kringle, Kriss Kringle, fhedzi ndi mabebo a Yesu Kristo ane ra khou a takalela." Ni a vhona? Zwino ri wana izwo zwithu zwine zwa itwa.

⁴⁵ Naa no no vhuya na vha vhona musi vha tshi toðou vhumba dilogo, inwe dilogo ya tsimbi ya kereke kana tshiñwe tshithu, tshe tsha tea u nea muñwe muungo? Ni a vhona, arali ni tshi khou lidza tsimbi, i dzhia inwe tselano ya tsimbi inwe na inwe. Nahone zwi dzhia mañwe matheriala uri a dzhene ngomu heneffo, musinaseñha munzhi nga maanda, tshitili tshinzhi nga maanda, na mañwe mahemutale manzhi nga maanda, u dzhena ngomu ha iyi tsimbi. Arali i tshi tou vha musinaseñha wa vhukuma, i nga si lile zwavhuði. I tea u vha na tshakha dzoþe dza matheriala o poselwaho ngomu hayo, u i ita uri i lile lushaka lu re lwone lwa khalo. Huno muthu o itaho foromo, nahone a dzudzanya foromo, u a divha kokotolo uri zwi dzhiani u dzhena kha uyo muvhumbi, zwi dzhiani u dzhena ngomu ha uyo—uyo mutale, u ita uri iyo tsimbi i lile iyo khalo.

⁴⁶ Mudzimu ndi ene Muvhumbi washu muhulwane. Mudzimu ndi ene . . . Ndi ene Nando ya Musuðululi muhulwane, afho ndi hune A tea u vhea izwi zwithu kha riñe, na milingo, na mitovholo na zwithu, u i vhumba yoþhe, u ita vhuñanzi hashu uri vhu lile lwa tshiñwe tshifhinga, na inwe noti ine A ñoda i tshi lila nga liñwe duvhua.

⁴⁷ Ro itwa lwo fhambanaho. Roþhe ro itwa lwo fhambanaho. Ri vhona lwo fhambanaho. Fhedzi roþhe ri vhona tshithu tshithihi, itsho ndi Yesu Kristo. Kha ri Mu sedze. Huno ndila i yoþhe ine ni nga Mu vhona . . . Arali A tshi vhonala a tshi fhambana na ili Ipfi, a ni khou Mu sedza, ngauri Uyo ndi Ene. Ngauralo, arali ni

tshi vhona ndaela kana ni tshi vhona iñwe dinomineisheni ine na sokou elekanya, "Ndi wa heyo, huno izwo two edana." Arali i sa sedzi kha ilo Ipfi, zwenezwo sedzani thungo hayo. Sedzani kha ilo Ipfi! Huno izwo ndi zwine ra khou zwi ḥoda, Kristo, u vhonadzwa ha Ipfi la Mudzimu, Ndi ene khwathisedzo ya Ipfi la Mudzimu.

⁴⁸ Zwino, zwithu hezwi zwihiwlane zweathe, nahone two bvelelaho phasi henengei kha—kha itsi tshihili tshiluku, zwi vhonala zwi tshi kanukisa. Fhedzi, zwi nga di vhonala zwi tshi kanukisa khavho, fhedzi zweathe two vha zwi tshi khou shumisana zwavhuđi.

⁴⁹ Zwino muloro wa Yosefa, ndi do takalela u amba nga hawo lwa tshifhinganyana. Ndi na Luñwalo lwo ñwalwaho hafha lwawo. Mudzimu, nga zwifhinga zweathe, zwikhathi zweathe, o amba na vhathu Vhawe, huno a Didzumbulula nga miloro.

⁵⁰ Zwino, miloro a si vhuñanzi ho khwathahao. A si uri muloro muñwe na muñwe u bva ha Mudzimu. Zwino, hu na vhathu vhanzhi vha re na miloro, nahone vha na tshakha dzothe dza miloro. Huno ni ya u edela vhusiku, huno ni la tshilalelo tshihulu na ya u edela, huno ni nga di lora tshiñwe tshithu-vho. Ni nga di vha na mufhiso, nahone ni nga di vha na tshakha dzothe dza miloro i ofhisaho, na zwiñwe-vho, izwo a si Mudzimu. Fhedzi, naho zwe ralo, Mudzimu u a shuma na vhathu nga miloro.

⁵¹ Ri wana Yosefa u rangani, murwa wa Yakobo, uri o vha e muporofita hani. Huno muporofita o pfesesa miloro. Zwino, arali muloro wo ḥalutshedzwa, zwenezwo u vha bono, ndi vhuporofita.

⁵² Zwino ri wana uri na phanda ha hezwo, khosi Nebukadanetsara, na murahu kha Daniele, na murahurahu hothe, uri Mudzimu o shuma na vhathu nga miloro, miloro ya muya. Ndi tenda khayo. Ri nayo zwino. Ndi kangana he nda tea u ḥanziela, vhathu vha mađana vhe vha vha na miloro, huno nda i ḥalutshedza zwone-zwone, ya tou bvelela kokotolo!

⁵³ Fhedzi muloro ndi lushaka lwa tshi—tshithu tsha khumbulelo. Zwino, nga tshiñwe tshifhinga ndi tshi lingiwa, ndo vhudziswa nga ha miloro. Huno zwino muloro ndi musi, ri tshi vhudzwa, uri ni kha ḥalukanyo yanu i sa ḥalukanyi tshothe. Zwino muthu u na luvalo lwa u thoma, huno kha ulu luvalo lwa u thoma zwipfi zwanu zwiñanu zwi a shuma, u vhona, u thetshela, u pfa, u nukhedza, na u thetshelesa. Fhedzi musi ni tshi ya u edela, idzi ḥthanu mva-... zwipfi a zwi shumi, huno zwenezwo ni nga hangeno kha ḥalukanyo i sa ḥalukanyi tshothe, yo dzulaho kule-kule na inwi, huno zwenezwo inwi ni nga hangei, ni khou lora. Fhedzi musi ni tshi vhuya murahu huno na vuwa... A hu na na thimothimo, nga nnđa ha uri a hu na muthu na muthihi, a hu na na muthu fhano, nga nnđa ha we a vha na muloro tshiñwe tshifhinga vhutshiloni hawe, une a kha di u elelwa. Zwenezwo ho

vha hu na tshiñwe tshipida tshañu, huñwe fhethu, tshine musi ni tshi vhuya kha zwipfi zwañu hafhu, ni kha di tshi elelwa. Khamusi ho vha hu miñwaha yo fhiraho. Ndi elelwa miloro ye nda vha nayo musi ndi tshi kha di vha mutukanyana, ndi kha di i elelwa; zwenezwo hu tea u vha na tshiñwe tshithu, tshiñwe tshipida tshanga, tshe tsha vha tshi huñwe fhethu. Zwino, iyo ndi miloro, ngauralo, ni a vhona, ni kule nga maanda na zwipfi zwañu. Zwenezwo musi zwi tshi vhuya huno na amba muloro wañu, arali u wa Mudzimu... .

⁵⁴ Hu nga vha na muñlatshedzi wa miloro. Bivhili yo ri, “Arali ha vha na muñwe vhukati hañu, ane a vha wa maya, muporofita, Nñe Murena ndi do Digidivhadza khae nga miloro, huno ndi do amba nae nga mabono.”

⁵⁵ Zwino ri wana uri Yosefa, murwa wa Yakobo, o vha e ulwo lushaka lwa munna. Onoyo, vho vha vha tshi lora miloro, huno zwenezwo a i ̄talutshedza. O kona u ̄talutshedza miloro, nahone a vhona mabono. Zwoñhe ndi nyito ya Muya.

⁵⁶ Zwino nahone ri wana, kha hezwi, zwauri musi munna o bebwa uri a vhe muvhoni, kana a tshi vhona mabono, inwi—inwi ni... ni tea u vhidzelwa hezwo, nga Mudzimu.

⁵⁷ Dzhielani nzhele, *hafha* ndi thalukanyo i sa ̄talukanyi tshoñhe yanu, ya mupo, huno *hafha* ndi luvalo lwañu lwa u thoma. Zwino ni tea u bva kha zwipfi zwañu, zwipfi zwiñanu, na dzhena khofheni, u ya ngomu ha thalukanyo i sa ̄talukanyi tshoñhe, zwenezwo na vhuya khazwo. Úyo ndi muloro.

⁵⁸ Fhedzi muvhoni, mvalo idzo vhuvhili hadzo dzi henefho dzoñhe. A ni bvi kha izwi zwipfi zwiñanu, ni kha di vha kha zwipfi zwiñanu, imani henefho tswititi huno ni sedze zwi no khou itea. Ni a vhona, na kathihi a ni ̄tutsheli zwipfi zwañu. Inwi ni henehafho, ni ̄divha hune na vha hone na zwine na khou ita, ni tshi amba maipfi anu. Zwino, itsho ndi tshi—tshifihwa tsho tiwaho. “Zwifihwa na dzimbidzo a zwi na tshanduko.” Ni a vhona, izwo Mudzimu u a zwi ita. A ni yi u edela; no ima maño vhuvhili hao o vulea, no sedza tswititi huno ni tshi khou vhona zwine na khou zwi sedza. Ni a vhona? Huno zwine bo—bono ̄la vha zwone, ndi zwa Mudzimu, a hu na zwiñwe.

⁵⁹ Ri a edela ñamusi. Iyo ndi yone khakhathi kha shango ñamusi, lo edela. Huno vhatu vhanzhi vha funa u edela. Fhedzi nne, ndi do amba hezwi, a hu na mibete ngei Taðulu. A ri nga edeli musi ri tshi swika Taðulu, ngauri a hu na vhusiku hangei. A hu na vhusiku, ngauralo a ni nga tei u edela musi ni tshi swika Taðulu, ngauri a hu na mibete hangei.

⁶⁰ Fhedzi dzhielani nzhele, musi luvalo lwashu—lwashu, Mudzimu a nga shumisa tshipida tshiñwe na tshiñwe tshashu arali tsho rembuluselwa Khae. Tshiñwe na tshiñwe tshine ra vha tshone, musi tsho nekedzelwa tshoñhe zwandani zwa Mudzimu, nahone tsho rembuluselwa kha tshumelo Yawe, A nga ri shumisa

kha miloro, A nga ri shumisa kha muambo, A nga ri shumisa kha zwipfi zwoṭhe. Huno tshiňwe na tshiňwe tshine ra vha tshone, tsho rembuluselwa kha Mudzimu, zwenezwo Mudzimu a nga tshi shumisa. Naa izwo ni a zwi tenda? Ni a vhona, musi ri zwenezwo, tshiňwe na tshiňwe tsho rembuluselwa Khae, A nga tshi shumisa. Musi vhuvha hashu hoṭhe ho rembuluswa, zwenezwo Vhakriste, kha lino ḫuvha, vha nga vha na miloro ya muya ine i nga amba tshiňwe tshithu, tshine tshi nga vha bvumbela zwithu. Ri a ḫivha zwauri izwo ndi ngoho.

⁶¹ Muloro wa muya wo ṭalutshedzwa, wo ṭalutshedzwa zwone, u fana na bono. Huno naa bono ndi mini? Bono ndi mvumbo ya zwiwo zwi daho; li bvumba tshithu tshi sa athu bvelela. Huno iyo ndi ndila ye Mudzimu tshifhinga tshoṭhe a khwaṭhisidza arali zwo vha zwi ngoho kana hai, kana arali uyo munna (izwo zwo vha zwi kha Testamente Ndala) o vha a tshi tea u vha muporofita, zwe a amba zwi a khunyelela. Zwenezwo vho ḫivha; arali uyu munna o amba hezwi, nahone zwa dzulela u khunyelela zwi sa fhidzi. Zwino, uyo munna a nga si sokou vhewa zwanda, kana a dzinginyiswa, huno a ḫewa tshi—tshifhiwa; u bebwā e na itsho tshifhiwa, tsho bebwā ngomu hawe musi a tshi bebwā, a sa athu bebwā.

⁶² Sedzani muporofita Yesaya, o porofita nga ha Yohane, miňwaha ya mađana mađanu na mavhili na ya fumimbili a sa athu bebwā, a amba zwauri o vha e “ipfi ḥa uyo we a vha a tshi khou huwelela sogani.”

⁶³ Sedzani Yeremia, a sa athu vhuya a hwalwa mbumbeloni ya mme awe, musi a tshi kha ḫi vha heneffo, Mudzimu o ri, “Ndo u ḫivha, huno nda u khétheffhadza, huno nda u ta uri u vhe muporofita kha dzitshakha.” Ni a vhona? “Zwifhiwa na dzimbidzo a zwi na tshanduko.”

⁶⁴ Huno ni nga vha fhedzi, izwo zwi nga shuma fhedzi musi hu na tshiňwe tshithu heneffo tshine tshi nga shuma ngatsho. Vhunga arali hu na tshanda tsha u ḥa tsha u shuma, huno ni na tshanda tsha u ḥa, zwenezwo i ri ni tshi shumele Muvhuso wa Mudzimu. Arali ni na mađo a u vhona, zwenezwo vhonani zwithu zwo teaho; milomo, ipfi ḥa u amba, ambani zwithu zwo teaho. Zwiňwe na zwiňwe zwine zwa vha zwone, itani zwithu zwo teaho. Huno rembuluselani zwoṭhe zwine na vha nazwo, kha Mudzimu, kha vhugala Hawe.

⁶⁵ Zwino, ri wana uri mvumbo i bvumba zwiwo zwi daho zwi sa athu bvelela. Naho zwi tshi vhonala zwi tshi kanukisa, zwauri Mudzimu ramaandaothe o zwi bvumba, huno a dzhia mushumo wa matshilele kwao a Lushie, Yesu, huno a zwi dzumbulula nga muloro, zwi no tea u itwa. Zwino izwo Mudzimu, nga iyi ndila ya vhuvhili, kha Murwa Wawe Ene muňe, o zwi dzumbululela Yosefa nga muloro. Bivhili yo ri O ita. Ee, muňe wanga. Zwino,

Yosefa o vha e munna o lugaho, o vha e murwa wa Dafita, huno o vha o fulufhedziswa Maria.

⁶⁶ Zwino ndi khou ṭodou amba hezwi, ri sa athu ya phanda. “U fulufhedzisa,” ngei Vhubvaḍuyha, ho vha hu tshi fana na mbingano, ndi ndzeo. Musi vha tshi tou—vha tshi tou fulufhedziswa, vho maliwa. Musi uyo muano wo khetheahwo dzhiwa vhukati havho, vhalani Doiteronomio 22:23, huno ni do wana uri musi uyu musadzi na munna vho tendelana u mala (naho zwo ralo vha songo dzhia miano lwa miñwedzi ngavhuya), arali vho vhuya vha vunda uyo muano, vho vha vhe na mulandu wa vhupombwe. Izwo ndi zwone. Musi vho fulufhedziswa, vho vha vha tshi fana na mbingano. Mulayo a u athu vha nea pfanelo dza u dzula vhothe sa munna na mufumakadzi, fhedzi phanda ha Mudzimu, musi vho fulufhedzisana, maipfi avho o shatelwā Muyhusoni wa Mudzimu. Huno, u vunda hezwo, ho vha hu tshi tou vha u ita vhupombwe. Huno zwino Yosefa o vha o “fulufhedziswa” Maria. Arali vhakomana vha vhashumeli, arali no vha ni tshi nga guda izwo zwavhudi, zwo vha zwi tshi do ni bvisela khagala kha ili fhungo la mbingano-na-thalano line nga maanda—nga maanda la kondā nahone la vha lo fhambanāho vhukati ha vhathu ḥamusi. Zwino dzhielani nzhele Yosefa, munna wawe, e munna muvhuya, ni a vhona, zwino ri wana uri izwi a zwo ngo kona u vundiwa.

⁶⁷ O vhudza, u fanela u vha o mu vhudza. Uyu musidzana muswa, o nakaho, khomba ya Muyuda ntswa, u vha...Ri vhaaluwa rothe fzano, u ya nga hune nda vhona. U vha ane a do vha mme. Huno Yosefa a tshi khou tshimbila nae, a dzhiela nzhele hezwi, hu si na u timatima, nga murahu ha musi o fulufhedziswa ene, a wana uri o vha a tshi khou yo vha mme. Zwino, o vha e munna muvhuya, Bivhili yo amba zwauri o vha o ralo. U fanela u vha o mu vhudza nga ha u sa vha hawe na mulandu. Musadzi o nakaho, ndi a kona u mu pfa, zwi tshi tou nga o vha a tshi do ri, “Yosefa, khonani yanga i funwaho, munna wanga a funwaho, a thi na mulandu kha hezwi.” Huno u fanela u vha o mu vhudza nga ha madalo, ene na Muruňwa Muhuluhulu, uri Muruňwa Muhulu o da khae, Gabriele, huno o mu dalela e na hezwi zwiga zwihiwlwane zwe A mu vhudza nga hazwo, izwo zwe zwa vha zwi tshi khou yo bvelela.

⁶⁸ Huno zwenezwo ri dzhiela nzhele uri ene, na ene-vho, nga murahu ha musi o vha na u dalelwa uhu, o nyanyulwa nga maanda nga mulaedza wa Muruňwa, lwe a gonya shangoni la mivhundu la Yuda; u bva Nazaretha, he a vha e mungwaniwapo, wa muđi wa Nazaretha, muđi u shayaho nga maanda, mučuku.

⁶⁹ Huno musi a tshi swika henengei, muzwala wawe Elisabetha na ene o vha (o no vha na miñwedzi ya rathi) a tshi khou yo vha mme, onoyo we ha pfi ndi muumba.

⁷⁰ Munna wawe, Sakaria, o vha e tshifhe thembeleni. Huno liñwe duvha musi a tshi khou kumedza zwidzimu, zwe zwa vha zwi u dubisa zwioro, kha ndi ralo, kha thabelo dza vhathu dze dza vha dzi tshi khou itwa nn̄da. Gabriele, Muruñwa wa Murena; zwino, Ho ngo vhonwa, kana a hu na tshithu tshe tsha vhonwa tsha tshiñwe tshithu-vho Tsha N̄tha Ha Mupo, lwa miñwaha na miñwaha, na mađana a miñwaha. Fhedzi hafha ho ima uyo Muruñwa thungo ya tshaula tsha aliñari, huno a mu vhudza zwauri mufumakadzi wawe u ñ do dihwala huno a beba ñwana, huno o vha a tshi khou yo mu rina ñzina la "Yohane." Huno roþe iyo nganea ri a i ñdivha.

⁷¹ Huno zwenezwo musi Gabriele na ene, nga murahu ha miñwedzi ya rathi, a tshi dalela Maria ngei Nazaretha, huno a mu vhudza nga ha tshiwo tsha muzwala wawe, Elisabetha. Huno zwenezwo nga u ñavhanya, Maria e na hetshi tshiphiri tshihulwane mbiluni yawe, izwo zwe zwa vha zwi tshi khou yo itea, a ñavhanya a ya mivhunduni u vhona muzwala wawe.

⁷² Huno musi Elisabetha o no ñidzumba, nge a vha a sa ñodi u vhonala nn̄da phanda ha vhanna e kha nyimele ye a vha e khayo, huno o vha o no ñidzumba lwa miñwedzi ya rathi. Zwino, u ya nga vhupfesesi hanga ha Luñwalo, o vha o dinalea, lushie lwo vha lu si na vhutshilo u swika tshifhingani itsho. Huno zwo vha zwi kule na u vha zwo ñaho uri lushie lu si tambe ngomu, oo, nga zwiñuku miñwedzi miraru, kana miña, ya tshifhinga. Fhedzi zwino ho vha hu miñwedzi ya rathi, huno lushie a lu athu tamba na kathihi. Ngauralo musi Elisabetha na Maria vha tshi tangana, vhone, hu si na u timatima, vho kuvhatedzana, vha kuvhatedzana, sa vhazwala, huno—huno vho vha vho takala nga maända u vhonana. Huno kha ri tou elekanya nga ha zwe vha amba. Ndi kona u pfa Elisabetha a tshi ri kha Maria, "Oo, mufunwa, ni vhonala no naka nga maända."

Huno Maria a ri, "Ni a ñdivha, ndi a ñdivha uri ni khou yo vha mme."

⁷³ "Ee, zwo nga u nndina, huno ndi miñwedzi ya rathi huno lushie lwanga a lu athu tamba."

⁷⁴ "Oo, fhedzi ndi na tshiñwe tshithu tshine nda ñodou ni vhudza tshone, a thi tsha kona u zwi kondelela!"

⁷⁵ Ni a ñdivha, hu na tshiñwe tshithu nga ha musi ni tshi vha na vhukwamani na Mudzimu, ni nga si kone u fhumula nga hazwo. Inwi ni tou tea u amba tshiñwe tshithu nga hazwo, ndi uri, arali ni na thembuluwo ya vhukuma, ya ngoho. A thi londi hune na vha hone, ni tea u zwi bula huñwe fhethu.

⁷⁶ Huno ndi kona u mu pfa a tshi ri, "Ni a ñdivha, ndi na tshiñwe tshithu tshine nda ñoda u ni vhudza. Ndi khou yo vha na lushie, na nne-vho!"

⁷⁷ "Oo," a ralo Elisabetha, "Ndi dzhia uri zwenezwo... Ndi ngani ni songo ri ramba tshimimani tsha mbingano, inwi na

Yosefa, musi mafhedziseloni ni tshi mala? Ndi a divha uri no fulufhedziswa, fhedzi ndi ngani ni songo nthamba tshimimani tsha mbingano?”

“Oo, a ri athu malana.”

“Huno ni khou yo vha na lushie?”

“Ee!”

“Zwo ralo, Maria, a—a—a thi pfeseseti tshoṭhe.”

⁷⁸ “Ni a divha, Muruṇwa wa Murena o bvelela kha nne, Gabriele. O vha Ene we a mmbudza zwauri ni khou yo vha mudzadze. O vha Ene we a mmbudza. Huno O amba zwauri Muya Mukhethwa u khou yo vha murunzi wanga; huno itsho Tshithu Tshikhethwa tshi do bebwā nga nne, tshi do vha Murwa wa Mudzimu. Huno ndi do ‘rina Dzina Ławē “YESU,” ngauri U do tshidza vhathe Vhawe zwivhini zwavho.”

⁷⁹ Huno lwa u thoma lwe iļo Dzina li mangadzaho la vhuya la ambiwa nga milomo ya muthu; Yohane mučuku, o fa mbumbeloni ya mme awe, a fhufha nga dakalo, huno a ḥanganedza Muya Mukhethwa, o fa mbumbeloni ya mme awe. Arali—arali maanda a u amba Dzina la Yesu Kristo a tshi do vusa lushie lwo faho mbumbeloni ya mme, naa a fanela u itani kha tshivhidzo tshi no qifhima u vha mulanda Wawe, o bebwaho nga Muya Wawe? Vhunga Elisabetha o vha o tshenuwa nga maanda, musi o sedza Maria, a ri, “Naa mme a Murena wanga u bvafhi, mme a Murena wanga? Ngauri zwenezwo musi ndumeliso yanu i tshi da nn̄devheni dzanga, lushie lwanga lwo fhufha mbumbeloni, nga dakalo.” Yohane o bebwā, a bva mbumbeloni ya mme awe, o dala Muya Mukhethwa, nga Dzina la Yesu Kristo! Naa ulu lushie lu tea u vha lwa lushaka-de?

A hu na u timatima uri izwi o dovha a zwi vhudza Yosefa.

⁸⁰ Zwino vhonani, Yosefa, e munna muvhuya, o sokou mangala, “Ni a divha, zwino ndi a divha arali o farwa vhupombweni, tshithu tsha u thoma tshi no khou yo bvelela khae, u khou yo kandiwa nga matombo. A nga si . . .”

⁸¹ Vha nga si tshile nga heyo ndila. Bivhili yo amba zwauri, “Arali musadzi o fulufhedziswaho, e muđini, huno o tshipiwa nga munna, huno arali a sa ṭavhi mukosi, zwenezwo vhoṭhe vhuvhili havho vha a kandiwa, vha a vhulawa. Fhedzi arali a mavhalani, nahone tsimuni, huno a ṭavha mukosi huno hu si na muthu ane a nga kona u mu pfa, munna u tea u vhulawa, ene u do tshila.” Zwino-ha, tshigwevho tsha hezwo, iyo ndi Doiteronomio 22, he nda ni humbelu u vhala tshifhinganyana tsho fhiraho.

⁸² Zwino dzhielani nzhele zwino, kha hezwi, ri wana uri o vha a tshi khou yo vha mme, a songo malwa. Ngauralo, kha Yosefa, zwo vhonala zwi tshi nga Maria o vha a tshi khou lingedza uri a mu wane uri a vhe tshiṭangu tshawe kha vhagodi na vhanyefuli, ni a vhaba, Yosefa o vha a tshi khou yo vha tshiṭangu tshawe;

bvelani phanda huno ni mu male, naho zwo ralo, huno ni vhe tshiṭangu tshawe, fhedzi hu si u vha munna khae kha—kha muta wa vhushaka, fhedzi ho vha hu tshi ḍo vha . . . o vha a tshi ḍo vha tshi—tshiṭangu khae.

⁸³ O ḥoda u mu tenda, ndi—ndi a zwi tenda vhukuma hezwo. O ḥoda u mu tenda, fhedzi nganea yawe yo vha i si ya nga misi. Zwo vha zwi tshi kond̄a, uri uyo mutendi, a tende.

⁸⁴ Huno inwi ni mpfarele, vhanna. Huno zwo ralo na ɬamusi! Nganea ya Maanda a Muya Mukhethwa kha liphasi ɬamusi, Tshivhidzoni, ndi i si ya nga misi kha dzangano na ḥalukanyo ya dinomineisheni; u swika vha tshi ḥoda u A tenda, fhedzi A si a nga misi lwo kalulaho, Ha tendisei lwo kalulaho. Fhedzi ndi Ngoho! Bivhili yo ri zwi ḍo vha nga ndila heyi, huno Ngea. Vhathu vhanzhi vho vhoxwa nga iñwe ndaela, zwa vhukuma vha ḥoda u a tenda Hayo, fhedzi Ndi a si a nga misi lune a nga si tou kona u zwi ita. Ha—ha—ha divhi uri u tea u itani. U tou vha kha—kha nzulele i konḍaho vhunga zwe Yosefa a vha e zwone.

⁸⁵ Bivhili yo ri, “Musi a tshi kha di elekanya nga ha izwi zwithu,” ni a vhona, o vha e munna muvhuya, huno ho ngo ḥoda dzina lawe li tshi tshinyala; huno naho zwo ralo o divha, arali uyo musadzi o vha e nga heyo ndila, ye a vha hu uri u ḍo kundelwa u mu mala, o vha a tshi ḍo vha mme nga muñwe munna. “Huno naho zwo ralo,” a ri, “uyo musadzi a si na mulandu, muñku, vhutshilo hawe ho vha vhu tshi nga vhu kwae sa volenga, huno ndi ḥodou mu tenda, fhedzi a—a thi divhi zwine nda tea u ita.”

⁸⁶ “Musi a tshi kha di elekanya nga ha izwi zwithu, a mbo humbula u mu ḥutshela nga u ɬenga. A ri, ‘A thi nga vhangi iñwe khakhathi nga hazwo.’” Zwino elelwani, na kathihi o vha a sa athu dzhia muano, fhedzi o vha o fulufhedziswa. Fhedzi o vha a tshi ḍo mu ḥala nga u tou mu ɬenga. “Huno musi a tshi kha di elekanya nga ha izwi zwithu, ‘u mu ḥala nga u tou mu ɬenga,’” ni a vhona, zwi ɬa kha nđivho yawe ya khwinesa. Ni a vhona, o vha e munna o lugaho, nahone munna muvhuya.

⁸⁷ Mukomana, khaladzi, i ri ni ndi ambe hezwi. Arali no luga, arali ni tshi fhulufhedzea mbiluni yanu, zwenezwo Mudzimu u kombetshedzea u dzumbulula itsho tshithu kha inwi.

⁸⁸ Yosefa, munna wawe, e munna o lugaho, a elekanya nga ha izwo zwithu. Zwo vha zwi sa ngi zwa nga misi nga maanda, vhunga ndo amba, o—o kundelwa nga maanda u pvesesa hezwo. “Naa izwo zwithu zwo vha zwi tshi nga vha hani?” Fhedzi ene, a hu na na thimothimo, o dzula fhasi, a zwi rabelisa, a zwi guda Manwaloni. “Naa izwi zwithu zwo vha zwi tshi nga vha hani?” Musi o vha a tshi kha di guda, Muruñwa wa Murena a bvelela khae, muleroni. O vha e si muporofita. Huno ho vha hu si na muporofita kha liphasi maduyhani ayo, a hu na we a vha a tshi nga ɬa khae e na U RALO MURENA, ngauralo Murena o dzhia ndila ya vhuvhili. Izwo ndi ngazwo Mudzimu o isa matshilele

kwao a Murwa Wawe Ene muné, kha munna, nga muloro; huno A mu vhea Egipita, huno a Mu bvisa; huno a Mu dzumba, kha vhanna vha vhuṭali, kana vhanna vha vhuṭali vho ṭuwa nga iñwe ndila. Ho vha hu si na muporofita shangoni, ngauralo A dzhia ya vhuvhili, muloro. Fhedzi ho vha hu na vhanna vhe vha vha vha songo bebelwa u vha muvhoni, fhedzi vho vha vhe vhanna vhavhuya, nahone, musi vho ita, Mudzimu u vha dalela kha ḥalukanyo i sa ḥalukanyi tshoṭhe yavho, huno a Didzumbulula.

⁸⁹ Arali ni tshi ḫo tou dikumedzela kha Mudzimu, Mudzimu u na ndila nnzhi dzine A nga Didzumbulula kha inwi. Ni a vhona? Ni nga di si vhe, ni nga di si vhe muporofita, ni nga di si vhe mudededzi, ni nga di si vhe mudededzi wa tshikolo tsha Swondaha, ni nga di si vhe mureri, fhedzi hu na ndila dzine Mudzimu a nga Didzumbulula kha inwi, ni a vhona. Arali zwi tshi nga vha miloro, zwi nga di vha nga iñwe ndila, arali ni tshi nga tou dikumedza vhunga Yosefa o ita.

⁹⁰ A hu na na thimothimo uri o ri, “Oo Jehovah Muhulwane, Mudzimu, ndi—ndi da nga lushaka lwa Dafita. Nahone ndi—ndi munna o lulamaho; ndi fhulufhela uri ndo ralo, ndi fulufhela kha zwe Wa amba uri ndi Ngoho. Huno mufunwa wanga, mufunwa muṭuku fhano, ane nda vha nae, we nda fulufhedziswa ene. Nne, zwa sa ralo ndi ḫo mu ḥala, ndi—ndi na mulandu wa u ita vhupombwe. Huno u khou ḫo vha mme, huno a thi mu qivhi sa mufumakadzi. Naa izwi zwithu ndi mini, Murena?”

⁹¹ Ni a vhona, o vha e si muporofita, ngauralo O kundelwa u amba nae nga iyo ndila. Ngauralo A—A mu litsha a yo edela, huno a rumu Muruṇwa wa Murena khae, muloroni. Amene. Muruṇwa wa Murena a da khae, muloroni, huno a mu kwama, nahone a ri, “Yosefa, iwe murwa wa Dafita, u songo ofha u dzhia Maria mufumakadzi wau, ngauri Itsho tshe a dihwala ngatsho ndi tsha Muya Mukhethwa.” Khezwo, “Itsho tshi re khae, a si muṇwe munna, Muya Mukhethwa wo ita hetshi. Musadzi o amba ngoho. Iyi nganea i si ya nga misi, itshi tshithu tshi si tsha nga misi tsho bvelelaho, Yosefa, tshe tsha u dina tshoṭhe, ndi tsha Muya Mukhethwa.”

⁹² Oo, onoyo Mudzimu muthihi u kha di tshila madekwana a namusi! Ni kha di vha na ḥalukanyo i sa ḥalukanyi tshoṭhe. Huno ni na . . . Vhoiṇwi Vhakriste, arali tshithu tshi tshi vhonala tshi si tsha nga misi kha inwi, itsho tshire na tshi vhona, arali tshi tshi kha di vha tshone kokotolo na Ipfi, zwenezwo Mudzimu a nga dzumbulula zwithu zwi si zwa nga misi nga ndila nnzhi.

⁹³ Ngauralo A vhudza Yosefa, “Iwe murwa wa Dafita, u songo ofha u dzhia Maria wau, mufumakadzi wau.” Elelwani, o no di vha mufumakadzi wawe. “Dzhia Maria, mufumakadzi wau, ngauri Itsho tshe a dihwala ngatsho ndi tsha Muya Mukhethwa.”

⁹⁴ Zwino, zwenezwo Mudzimu a rumu Muruṇwa Wawe, huno a zwi dzumbulula, nzumbululo Yawe ya muloro ya da kha Yosefa;

a ñivha, uri ho vha hu si na tshiphiri khazwo. Muruñwa o ña khae muloroni. O vhona Muruñwa muloroni wawe.

⁹⁵ Zwino, muporofita, kana muvhoni, ha yi u edela, u vhona Muruñwa o ima fhano. Muñwe munna u tou ya u ñedela, huno u vhona Muruñwa.

⁹⁶ Huno Muruñwa a ri, "Zwino, Yosefa, a hu na thai, a hu na muthu heneffo ane a nga u talutshedza wone. Ngauralo, Ndi khou yo u vhudza nga hazwo. Ndi khou yo zwi ita zwa vhukuma kha iwe, ngauri a hu na muthu heneffo ane a nga zwi ita zwa vhukuma. Zwino u songo ofha u dzhia Maria, mufumakadzi wau, ngauri Itsho tshe a ñihwala ngatsho ndi tsha Muya Mukhethwa."

⁹⁷ Zwenezwo musi Yosefa a tshi karuwa khofheni dzawe, oo, nga ñdila ye mbilu yawe ya fanela u vha yo ñala nga lutendo lu tsha ñi bva u bebwa. Itsho tshiphiri tshe tsha mu dina, itsho tshiñwe tshithu tshe a ñodou tenda, fhedzi itsho tshiñwe tshithu tshe a shavha u tshi tenda, tsho vha tshi si tsha nga misi nga maanda, naho zwe ralo tsho ñivhadzwa ene nga muloro. Lutendo luswa lwa thoma u tshila vhutshiloni hawe. Yawee, nnenne! O vha e na lutendo kha Mudzimu. O vha e na lutendo kha mufumakadzi wawe, tshifhingani itsho; vhuvhili hazwo lutendo kha Mudzimu, na lufuno kha mufumakadzi wawe, na lufuno kha uyo we a mu funa. A hu tshe na mbudziso, a hu tshe na mbudziso nga hazwo. O ñivha zwauri uyo o vha e Muruñwa wa Murena. O ñivha zwauri Mudzimu o mu dzumbululela kokotolo mbudziso ye ya vha i ñhalukanyoni yawe, ngauralo mbudziso dzothe dzo vha dzi si tsheeho.

⁹⁸ Huno musi Mudzimu, nga ñdila iñwe na iñwe ine A tama u zwi ita, a tshi dzumbulula mbudziso i re ñhalukanyoni yañu, a hu tshe na thimothimo, a hu tshe na mbudziso nga hazwo. Ndi nzumbululo.

⁹⁹ Musi ni tshi vhona tshiñwe tshithu hafha Luñwaloni, inwi ni ri, "Zwo luga, zwino, ndi tenda zwauri izwo zwe vha zwi tshi tou vha zwa vhaapostola. Ndi tenda zwauri Yesu o ita hezwo maduvhani o fhiraho."

¹⁰⁰ Fhedzi Bivhili yo ri, "Ha shanduki mulovha, ñamusi, na lini na lini, u tou vha onoyo Yesu muthihi." Zwenezwo arali izwo zwi tshi vhonala zwi mbudziso kha inwi, huno na zwi elekanya, na si zwi pfesese, huno na vhona tshithu tshi tshi bvelela, huno na tshi mangala; zwenezwo Muruñwa wa Murena, nga iñwe ñdila, arali ni tshi ño fulufhedzea, u ño ni dzumbululela tshone. Huno zwenezwo a tshi tsha vha mbudziso, ndi ngoho-ha. Oo! Huno zwenezwo ni nga zhamba na ñavha mukosi, "Oo, ndi livhuwa nga maanda!"

¹⁰¹ Ndi kona u humbulela ñdila ye Yosefa a ñipfa musi izwo zwe no itea, zwe ño vha...tshiphiri tsho vha tsho no guma-ha. Zwenezwo, huno musi izwi zwe no itwa, a wanala a tshi khou ñiphina, nge a vha o takala. Zwino ri wanulusa uri,

khathihi fhedzi, a mu mala. Oo, zwenezwo o vha a si tshe na mbudziso. A dzhia Maria, mufumakadzi; huno a si mu divhe, sa mufumakadzi, u swika Nwana. Zwo mu takadza! O takalela u vha tshiṭangu tsha Maria. O takalela u hwala u nyadziwa hawe.

¹⁰² Musi muthu a tshi nga dzumbululelwa uri Yesu Kristo ha shanduki mulovha, ńamusi, na lini na lini; hu sa londwi uri ndaela ndi nngana dzine dza lingeda u zwi humisela murahu, ni takalela u vha tshiṭangu. Ni takalela u vha tshiṭangu. I ri ni vha ambe tshińwe na tshińwe, ni na tshiṭangu tshihulu hangei n̄tha tsha u rwa misevhe i dugaho.

¹⁰³ Ndi fhulufhela uri a thi khou vha itela phosho lwo kalulaho ngei nn̄da. I ri ni vha Li pfe, na vhone-vho, vha fanela u ralo. Dzhielani nzhele. Ee, muñe wanga.

¹⁰⁴ Ni takalela u vha tshiṭangu. Ni methe wa muñangoni, tshińwe na tshińwe tshine tsha ḥodou vha tshone, a tshi londwi; zwo dzumbululelwa inwi nga Murena. Murena o ni sumbedza zwone nga Ipfi Lawe, ndi ngoho; huno zwenezwo a zwi khwathisedza kha inwi, u zwi ita uri zwi dovhe zwi tshire. Inwi ni ri, “Ngeila! Nñenne, a hu na tshine tsha khou yo...”

¹⁰⁵ A hu na munna a re na pfanelo ya u rera Mafhungomadifha u swika o no livhanya tshififatuwo na Mudzimu. Izwo ndi zwone. A hu na munna a no tea u vha philuphithini nn̄dani ha u ṭanganedza ndovhedzo ya Muya Mukhethwa. Yesu o nea vhafunziwa Vhawe ndaela, “U si tsha rera, fhedzi ni lindele mudini wa Yerusalem u swika ni tshi ambadzwa Maanda a bvaño N̄tha.” Sedzani zwe Muya Mukhethwa wa ita musi U tshi da. Huno Muya Mukhethwa ndi Mudzimu.

¹⁰⁶ Muya Mukhethwa ndi Khotsi a Yesu Kristo. Mateo, ndima ya 2 na ndimana ya 20, i amba zwauri, “Maria, mme Awe, musi vho fulufhedziswa Yosefa, vho wanala vhe na Nwana wa Muya Mukhethwa.” Muya Mukhethwa ndi Khotsi a Yesu Kristo.

¹⁰⁷ Huno musi Muya Mukhethwa u tshi da huno wa dzumbulula Ipfi, nahone wa Li ita uri li tshire kokotolo, zwenezwo Ndi nzumbululo kha inwi, ni a Li vhona, Lo petululwa, Lo fulufhedziswa ino awara.

¹⁰⁸ Yosefa o vhona uri, uri uho ho vha vhu vhuporofita ha Yesaya ho khunyelelaho. Yesaya 9, “Ro bebelwa Murwa, Nwana o nekedzwa. U do vhidzwa, ‘Mueletshedzi, Mukololo wa Mulalo, Mudzimu wa Maanda, Khotsi wa Lini Na Lini.’ Huno Muvhuso Wawe u nga si vhe na magumo.” O divha uri uyo u do vha Nnyi, nge a—a vhona tshithu tshothe musi Muruňwa wa Murena o mu vhudza hezwi, zwauri “Itsho tshe a dihwala ngatsho ndi tsha Muya Mukhethwa.” “Musidzana u do dihwala huno u do beba Murwa.” Zwino, itsho tsho vha tshi tshiphiri tshihulwane, tshiga tsha n̄thesa tshe Mudzimu a tshi nea shango lothe, tshiga tsha n̄thesa tsha uri Uyo o vha e Murwa Wawe.

¹⁰⁹ Zwino, dzhielani nzhele musi ri tshi bvela phanda zwino. A thi nga dzhii tshifhinga tshilapfu, ndi do lingedza u sa ita. Dzhielani nzhele musi ri tshi wana, zwi tshi bvela phanda, musi Yesu... Zwino ndi elekanya uri arali... Vhana vhačuku hafha vha nga si, pfectese, fhedzi ndi tea u amba tshinwe tshithu hafha u itela uri vhaaluwa vha...

¹¹⁰ Musi Kristo Yesu a tshi khou vhumbiwa kha Maria, afho ndi musi mutovholo u tshi dzhena. Izwo ndi zwone. Izwo ndi zwone. Afho ndi musi mutovholo wawe u tshi thoma.

¹¹¹ Huno ndi zwenezwo zwithihi kha inwi. Vhagalata 1, kana Vhagalata 4:19, i amba zwauri, "Musi Kristo (fulufhelo ja Vhugala) o vhumbwa, o vhumbwa kha inwi." Kristo u khou vhumbwa kha inwi, musi ni tshi khou fa huno Kristo a tshi da Vhutshiloni. Sedzani mutovholo u tshi dzhena, sedzani khakhathi i tshi thoma thungo dzothe, sedzani Diabolo a tshi halifha, zwa vhukuma, musi Kristo a tshi khou vhumbwa kha inwi.

¹¹² Huno musi Kristo a tshi khou vhumbiwa kha Maria, nga u ḥavhanya ha da mulayo wa khosi, "Vhoinwi vhatu vhothe!" Zwe a vha e zwone... Kristo ene o vha a tshi khou vha Lushie lwo fhelelaho, lwo lugelaho u bebwa, nga tshenetsho tshifhinga mutovholo muhulwane.

¹¹³ Zwino lu—lushie lwo vhumbiwa lwa tshifhinga tshilapfu, tshifhinga tshothe, mbumbeloni. Fhedzi ulu lu khou da maduvhani a u fhedzisela, musi mveledzo, musi u khunyelela ha U Vha Mudzimu, musi u khunyelela ha Kristo, hu tshi tea u do vhonadzwa vhukati ha vhatu Vhawe. O ralo, O zwi fulufhedzisa Ipfini Lawe. Huno musi u khunyelela uho, ni a vhona, hu na zwithu zwi si zwa nga misi zwi no thoma u bvelela, zwe A fulufhedzisa. Izwo ndi ngazwo vhutshilo ha matshilisano hashu vhuhulwane na zwithu zwi sa koni u pfectese hezwo, Ndi vhutsilu khazwo. Zwino sedzani, vha khou vhumba Khoro ya Dzigereke, ni a vhona. Nga tshifhinga tsha musi Tshividzo tshi thoma u ima nga milenzhe Yatsho, hune Tsha N̄ha Ha Mupo tsha thoma u shuma, zwino vhothe who no vha kha tshigwada, huno zwino vha khou yo lingedza u imisa izwi zwithu. Zwi tou vha kokotolo sa zwe zwa vha zwi zwone tshifhingani itsho.

¹¹⁴ Vhunga ndo amba Mugivhela wo fhiraho, ngei Phoenix, Vhafilista vho kuvhangana Betlehema, uri vhatu vha si kone u da, nnndani ha musi vha tshi da nga iyo Khoro ya Dzigereke. Oo, vha do vha isa damuni li sa eleli; hu si ni kha madi maswa a Betlehema, hai a hu na zwinwe. Zwino ri dzhiela nzhele.

¹¹⁵ Zwenezwo, musi khosi yo nea mulayo wayo, zwenezwo musi Kristo a tshi khou vhumbiwa. Zwino kha ri vha dzhie lwa tshifhinganyana, kha ri vha sedze, ri vha hwale zwičuku ri sa athu vala.

Ndi kona u vhona Yosefa a tshi ri, “Maria, mufunwa, iyo khosi ya tshiṭuhu!”

¹¹⁶ Fhedzi o vha a tshi ḥo ri, “Thetshelesani, mufunwa. Elelwani, Muya Mukhethwa wo mmbudza zwauri ‘Dzina Lawe li ḥo pfi “YESU,” huno U ḥo tshidza vhathu Vhawe zwivhini zwavho,’ vhathu Vhawe zwivhini zwavho. Zwino, Yosefa, mufunwa, a hu londwi tshi no itea, na tshire khosi ya amba, ndi a kona. Ndi nga dzula kha kumeilana. Ndi maela dzo vhalaho n̄tha u mona na idzi thavha dza matombo, na zwinwe-vho. Huno arali ra tea u ḥoda thusonyana, hu ḥo vha na vhanzhi lwendoni, ngauri a si riñe muṭa ri ḥothe. Hu na vhañwe vho kondelwaho nga zwenezwi zwithihi sa riñe, ngauralo hu na vhañwe ndilani. Huno ri nga di sokou ya nā vhañwe vhothe musi vha tshi gonya muvhundu, huno—huno ra gonya Betlehema.” Ngauri, u bva Nazaretha, vha da vha buḍa thavha.

¹¹⁷ Zwino ri wanulusa uri u fanela u vha o wana ḥonngana, huno—huno a i kanzwa nga nyingo ya tshitake tsha hatsithusa na furu nga ilo ḫuvha, ngauri uyu mufumakadzi muṭuku o vha a tshi lemela nga maanda. Ngauralo u mu namedza n̄tha ha kumeilana, huno a vhea bege ya mađi na makokisi maṭuku a si gathi; huno a dzhia ḥonngana, nahone a fara lubada lwawe tshandani tshawe.

¹¹⁸ Huno ndilani vha thoma, hafhu, kumeilana ku tshi khou pepeleka na u wa. Oo, sedzani uri itsho tshifuwo tshiṭuku tsho hwalani! Sedzani muhwalo watsho, une wa vha zwone! Tsho hwala Kristo tshi tshi mu isa fhethu Hawe ha mabeb. Huno hafha, uyu musadzi muṭuku o dzula heneffo n̄tha, e vhuṭunguni, uri a vhoħololwe, o farelala kha mudzedze wa kumeilana, huno a tshi amba nakwo a tshi khou tshimbila ndilani.

¹¹⁹ Ndi kona u vha vhona, ḫuvha ḥothe, vho vha vha tshi ḥo ima huno a mu awedza, nahone, “Mufunwa, naa no—naa no neta nga maanda?”

¹²⁰ “Hai, mufunwa, ndo luga. Ndo luga. Zwo luga, naa ni ḥo ḥoda u namela lwa tshifhinganyana?”

“Hai, mufunwa, inwi dzulani heneffo.”

¹²¹ Huno o vha a tshi ḥo mu tsitsa kha ḥonngana, huno a mu tendela u awela lwa tshifhinganyana, zwenezwo a mu nea tshinwiwa tsha mađi, na sangwedzhinyana. Huno a mu vhuayedzedza kha meila.

¹²² Mafhedziseli, hu thoma u swifhala. Vhaendi ndilani, vha tshi kona nga maanda u enda nga u ḫavhanya, huno vho vha vha tshi ḥo da vha fhira. Huno o ḥo tea u fema buse la avho vhañwe vho namelaho dzibere na dzigariki, na zwinwe-vho, vhe vha vha vha tshi nga i kanda. Ngauri, o ḥo tea u enda nga u ongolowa vhukuma, nga n̄thani ha nyimele yawe. Ndi tshithu tsha tshiṭuhu-de nandi u rumela uyo mme henengei e kha iyo nyimele! Fhedzi ndi kona u tou elekanya zwino, kha litambwa ḥiṭuku, musi vha tshi da ḥothdzini ya muvhundu.

Betlehema wo dzula kha...hu no nga govha, nahone thu-thungo ya vhukovhela ha thavha, ya—ya Betlehema, thavha ine ludila lułuku lwa bvelela.

¹²³ Ndi khou tou vha vhona zwino, kha litambwa line nda khou li amba. Hu a swifhala. Huno Yosefa u khou phuphuledza nga lubada lwawe, heneffo, musi a tshi dzhia tshikhau tshiñwe na tshiñwe tshire a kona. He ndila ya mona nga *heyi* ndila, he gariki ya tea u tshimbila, ndi zwone, khamusi o khauledza u itela u vhulunga tshifhinga, a bva buseni, na mufumakadzi wawe mułuku. Naledzi dla thoma u bva.

¹²⁴ Huno, nga murahu ha tshifhinganyana, u da ḥthodzini ya muvhundu. Huno, kana, vha dovhya hafhu vha sedza ngomu mudini he vhuvhili havho vhothe vha bebwa, nga ngeyo Betlehema, mbone dla mudi. Vhanzhi vho vha vhe heneffo, fhethu ho vha ho vhuthana, vhatthu vha re nn̄da, vho edela mavuni, nn̄da masimuni. Huno mbudziso, khamusi lwa u tou thoma, ya mbo kwama ḥthalukanyo ya Yosefa. “Naa ndi do itani arali ndi sa wani fhethu, ngauri ulwo Lushie lu nga di bebwa madekwana a ḥnamusi. O vha e vhułunguni duvha lothe. Ngauralo, zwino, mini-ha arali ulwo Lushie lu tshi tea u bebwa madekwana a ḥnamusi?”

¹²⁵ Musi o ima heneffo o sedza fhasi u buđekanya govha, o mangala, mađo awe a sokou sedza nga thungo, huno a vhona bono li kanukisaho. Ni a ḥivha, kanzhi ndi nga tshifhinga tshenetsho tsha khakhathi, musi zwithu Zwa Ntha Ha Mupo zwi tshi bvelela. A sedza hangei huno a vhona Naledzi. Na kathihii ha athu elelwa a tshi vhona iñwe khulu ngaurali. Yo vhonala i fhasi nga maanda, nahone Yo vha yo nembelela nga n̄tha ha Betlehema. A sedza n̄tha, huno a rembuluwa, nga murahu ha musi o no thusa Maria u gonya tombo uri a awele lwa tshifhinganyana. A rembuluwa uri a ambe nae, “Mufunwa, no no vhuya na dzhiela nzhele...” Huno o vhuya a kona u vhona tshivhoniswa Tshayo mađoni awe o nakaho, matswu, musi o dzula nahone o sedza, a tshi khou mwemwela. Ha pfi, “Mufunwa, naa Iyo a i kanukisi?”

¹²⁶ A ri, “Yosefa, mufunwa, Iyo ndo i sedza tshee duvha la kovhela. Ndo vha ndi tshi khou sedza iyo Naledzi. Nga iñwe ndila kana iñwe, ndi dipfa nga ndila i kanukisaho vhukuma madekwana a ḥnamusi, uri tshiñwe tshithu tshi khou ḥtodou bvelela.” Ndi zwone, kanzhi zwi nga iyo ndila, ni a ḥivha, ni na uvho vhudipfi vhu kanukisaho.

¹²⁷ Huno u thoma u sedza Naledzi, na Yosefa; kwone, kumeilana ku tshi khou awela, ku tshi khou fema. Huno vha sedza Naledzi. Yo vha i na nyito i songo doweleaho Khayo. A yo ngo ita vhunga dziñwe naledzi. Yo vhonala i sa dziki, i tshi khou tshimbila. Yo vha yo lindela tshiñwe tshithu, yo sedza tshiñwe tshithu uri tshi

bvelele. Zwino kha ri litshe tshivhili tshashu tshiṭuku tsho dzula hafha kha heli, kha heli tombo, lwa tshifhinganyana.

¹²⁸ Kha ri dzhene Ჰhalukanyoni dzashu huno ri Ჰuwe, tshikhala tsha maela dza mađana, kule ngomu Vhubvađuvha, vhone Vhasedzañaledzi, kule ngei n̄tha Vhubvađuvha, kha la India. Uvho vhusiku, sa zwe ya vha i ndowelo yavho, vhone vhothe, musi naledzi... duvha la kovhela, naledzi dza bva, vha gonya thavhani, vha džhena thawani, i tshi nga thawa ya vhusedzi. Huno vha swika henengei u—u luvha, na u guda. Huno vho—vho vhulunga tshifhinga nga džinaledzi. Huno vho guda zwiwo, huno—huno vho vha vha tshi do ya henengei n̄tha huno vho vha vha tshi do guda u—u wa ha mađana, na a džitshakha, na u kwashea ha—ha—ha džitshakha, na zwiñwe-vho, zwa mivhuso. Na nga ndila ine vha do, vha do elekanya nga hayo nahone vha amba nga hayo. Huno vho divha idzo naledzi, iñwe na iñwe yadzo. Vho dzi divha vhunga riñe ri tshi divha Bivhili. Tshiñwe na tshiñwe tshe vha ita, tsho amba tshiñwe tshithu.

¹²⁹ Huno, ni a divha uri tshifhinga tshothe Mudzimu u divhadza mishumo Yawé ngei mađadulu A sa athu ita kha lifhasi, naho zwo ralo. Vhashumeli vha a zwi divha hezwo.

¹³⁰ Vho vha vhe heneffo, vha tshi khou sedza džinaledzi, ngauri vha a divha uri tsudzuluwo iñwe na iñwe-vho, khathihi fhedzi vha fhenda heneffo murahu kha Mañwalo u wanulusa zwe zwa vha zwi zwone. “Inwi ni ri, ‘Mañwalo?’” Ee, Mañwalo. Vho vha vhe Vhasedzañaledzi. Fhedzi vho vha vhe Vhasulumani, vhe vha da vha vha vha Musulumani. Zwa vhukuma vho vha vhe vha bvaho kha Vhameda-na-Vhaperesia vha kale. Afho ndi hune Vhasulumani vha bva hone. Izwo rothe ri a zwi divha.

¹³¹ Huno, thetselesani, vho vha vhe na muñe henengei. Huno arali ni tshi Ჰđou zwi vhala, ndi—ndi Daniele 2:43. Daniele, muporofita, o vha e muñe wavho musi vho vha vhe ngei Babele. Izwo ndi zwone kokotolo. Daniele o vha e muporofita a re muñe wavho. Huno o vha funza zwithu zwothe zwa Mudzimu, ngauri o vha e muñe khavho. Huno o vha vhudza zwauri “hu do vha na Tombo li no do pedulwa kha thavha liñwe duvha,” ni a elelwa a tshi zwi amba, “hu si nga zwanđa. Huno li do pwashekanya mivhuso ya Vhannda kha shango, ni a vhona, mivhuso yothe, huno lone linje li do aluwa nahone la tibedza lifhasi.”

¹³² Huno, zwino, avha vho vha vha si vha sa tendiho, avha Vhasedzañaledzi. Hai, muñe wanga. Vho vha vhe vhatendi. Vho tenda kha Mudzimu muthihi wa ngoho. Ri a divha zwauri izwo ndi ngoho, Bivhili yo ralo. Huno arali ni tshi Ჰđou zwi vhala, ni vhale kha Mishumo 10:35, he Ya amba zwauri “Mudzimu ha Ჰaluli lushaka, fhedzi u hulisa avho vhane vha Mu ofha nahone vha ita zwo lugaho.” Zwino, naho zwo ralo, vho vha vha si kokotolo ndilani ya Ngoho, fhedzi vho tenda onoyo

Mudzimu muthihi ane ra mu tenda. Vhasulumani vha tenda onoyo Mudzimu muthihi ane ra mu tenda.

¹³³ Ndo ima, zwifhinga zwinzhi, nda vhona uyo tshifhe wa Musulumani a tshi dzhia itsho tshithu tshihuluhulu heneffho, huno a rwa iyi ngoma khulukhulu heneffho nda, huno a ri, "Hu na Mudzimu muthihi wa ngoho a tshilaho, huno Mohamede ndi muporofita Wawe." Riñe ri tenda uri hu na Mudzimu muthihi wa ngoho a tshilaho, huno Yesu ndi Murwa Wawe. Ni a vhona? U ri, "Kha zwi vhe kule na Mudzimu a tshi vha na Murwa." U elekanya uri o do tea u vha maya, ni a vhona, ngauralo a—a ri, "Hu na Mudzimu muthihi wa ngoho a tshilaho, huno Mohamede ndi muporofita Wawe." Vha kha di tenda kha uyo Mudzimu muthihi wa ngoho. Ndi vhana vha Ishmaele.

¹³⁴ Zwino ri dzhiela nzhele sa zwe vha vha vhe zwone, musi avha Vhasulumani vha tshi guda hezwi, avho Vhasulumani u swika zwino, vho tou vhidza Vhasedzañaledzi, huno vha sedza idzo naledzi. Vho vhasa mulilo vhusiku, wo vha u mulilo wo khetheaho. Huno vho shumela Mudzimu wavho, nga iyi mililo yo khetheaho, musi i tshi duga vhusiku. Huno vho tshesa nahone vha luvha. Huno vhusiku vhuñwe na vhuñwe vha namela hafha n̄tha musi duvha lo no kovhela, huno vha guda hezwi zwithu. U tou nga musi ri tshi kuvhangana dzikhonferensini huno ra guda Bivhili, nahone Ipfi nga Ipfi. Huno vho divha mutshimbilo muñwe na muñwe wa idzo naledzi.

¹³⁵ Huno vhuñwe vhusiku musi vhe henengei, vha tshi khou guda. Huno a zwi mangadzi zwo vha zwi tshi khou tshuwisa nga maanda musi Mueni o bvelela vhukati havho, Mutsinda, vha sa athu vhona iyo Naledzi na kathihi. A vho ngo divha uri mini nga ha Heyi, a zwi mangadzi vho vha vho tshuwa. Ndo vha ndi tshi do humbulela, vho I sedza vhusiku hothe. A vho ngo divha uri vha tea u itani nga Hayo. Nñemñe, Yo, Yo vha i Mutsinda. Kha itsho tshivhunga heneffho, vho wana Naledzi yo nembelela henehafha, ye Ya vha i Mutsinda, tshiitea. Na kathihi vho vha vha sa athu vhona tshiñwe tshithu-vho tshi no nga hetsho. Ngauralo, nga u ṭavhanya vha thoma u gwa murahu Manivaloni u vhona uri itshi tshi malugana na mini. A hu na zwiñwe, vho kundelwa u wana tshithu linwaloni lavho. Fhedzi vho humela murahu kha Daniele, huno vha wanulusa, "Hu khou da Tombo. Naledzi ya Yakobo i do ṭavha," zwe vha divha uri ho vha hu na tshiñwe tshithu tshe tsha vha tshi tshi khou itea. Vhoþhe vha fanela u vha vho vha na thabelo, huno vha ya u edela; vha tshi khou rera nga Hayo, vhe vhoþhe. Huno vha fanela u vha vho lora uvho vhusiku uri Khosi ya dzikhosi yo bebwaa kha lifhasi.

¹³⁶ Ngauri, ri a vhudzwa kha maanea a gurannda ya zwino, nga ha Vhasedzañaledzi henengei, uri musi idzo naledzi tharu dzo dubekana huno dza ita naledzi nthihi, uri Mesia o vha e lifhasini nga itsho tshifhinga. Huno zwa vhukuma vho vha vhe Vhayuda henengei, vha tshi guda, vha wana pfunzo yavho kha

vhuđivhañaledzi. Ngauralo zwenezwo musi vho—musi vho no i vhona heyo, vho ñivha uri Yesu o bebwa muñwe fhethu. Izwo a vho ngo ñivha uri ho vha hu ngafhi, fhedzi vha fanela u vha vho ita madeñwa u wanulusa uri vha tea u itani, u tou ri hani, ndi nnyi we a vha a tshi ño ya. Muñwe na muñwe o ñoda u ya, muñwe na muñwe. Fhedzi tshifhinga tshothe vha dzhia, vhunga ndo amba tshifhinganyana tsho fhiraho, raru ndi thanzi, u tanziela, u vhuya nahone vha vha vhudza arali hu ngoho. Ngauralo naa vho itani? Vho laisa lupfumo lwavho, vha laisa zwifhiwa zwavho, na tshiñwe na tshiñwe, u zwi isa Khae.

¹³⁷ Ndi khou tou mangala madekwana a ñamusi, mukomana, khaladzi, arali riñe tshiñwe tshifhinga, tshifhinga tshothe ri lingedza u vhona uri riñe vhañe ri nga wana zwingafhani, ngeno ri tshi fanela u vha ri tshi khou ñea zwine ra vha nazwo, kha Kristo. Ni a vhona, hu si u guda uri ri nga vha vho thanyaho hani, na uri ri nga fhira hani muñwe muthu, fhedzi uri zwe the zwine ra vha nazwo ri nga zwi ñekedza hani Khae.

¹³⁸ “Mudzimu a tshi ñea muloro, ndi nga si vhuye nda u tenda,” ndo pfa vhañwe vhathu vha tshi amba.

¹³⁹ “A thi tendi kha phodzo ya Muya.” Ndo vha ndi tshi khou sumbedza muthu linwe ñuvha nga hayo. A ri, “A thi londi uri ndi madokotela mangana a no do saina madzina ao, a thi londi uri ni amba mangana, na uri hu ño vha mini, kana zwiñwe zwe engedzeaho,” ha pfi, “A thi zwi tendi! A thi zwi tendi!”

Nda ri, “Zwa vhukuma hai. Yo vha i si yanu.”

¹⁴⁰ Phodzo ya Muya a yo ngo rumelwa vha sa tendi. Yo rumelwa vhatendi. Kristo ndi wa vhatendi. Muya Mukhethwa ndi wa avho vha no tenda, fhedzi; hu si vha sa tendi, a wo ngo puñanelwa vhone. Ndi tshikhukhuliso tsho swingaho khavho, tshifhinga tshothe u ño ralo, tshifhinga tshothe wo ralo. A si wa u ya kha vha sa tendi. Ndi wa avho vha no tenda! Izwo ndi zwone.

¹⁴¹ Zwino ri wana uri avha vhathu, vho vha vhe vhatendi, vho ñoda u wanulusa. Vho laisa zwe the zwe vha vha vhe nazwo, urí vha tuwe. Vho ñoda u wanulusa zwine iyi ya vha zwone, ngoho. Zwino, vho vha na lwendo lulapfu, ngauralo vhothe vho tanganyisa lupfumo lwavho fhethu huthihi, na—na tshiñwe na tshiñwe, vha dilugisa, vhe na musuku, miri ya zwioro, na zwidolo zwi nukhelelaho, na tshiñwe na tshiñwe tshe vha vha vhe natsho, u dzhia u yo wanulusa iyi Khosi. Vha thoma lwendo lwavho vhe na zwifhiwa.

¹⁴² Huno, dzhielani nzhele, u wana iyi Khosi, vho tshimbila nga Tshiga tsha Tađulu, tsho ñekedzwaho nga Mudzimu, hu si nga theolodzhi ya muñwe munna. Vho Tshi vhona kha Ipfi. Tsho vha tshi tshi tea u vha hone, huno vha tevhela Tshiga tsha Tađulu.

¹⁴³ Arali munna o vha a tshi nga vha na tshivhindi fhedzi tshe vha vha natsho! Arali vho vha vha tshi nga vha na pfe—pfeseso

ye vha vha vhe nayo! Musi Mudzimu a tshi ri ḥea tshinwe tshithu, arali Tshi Luñwalo, Tshi fareleleni!

¹⁴⁴ Munna a tshi ri, "A hu na tshithu tshi no nga ndovhedzo ya Muya Mukhethwa." Hu na ndovhedzo ya Muya Mukhethwa! Ni tou vha kokotolo nga ndila ye Ya vha i zwone nga Duvha la Pentekoste, I da nga u ralo na ḥamusi, phodzo ya Muya, Maanda a Mudzimu! A hu na ane a nga si ḥalutshe-... a nga i ḥalutshedza Bivhilini, "Yo ḥuwisa." Ndi nga ni sumbedza he Mudzimu a I nekedza Tshivhidzo! Inwi ni ntsumbedze Luñwalo lwa he A I ḥuwisa? A luho!

¹⁴⁵ Ngauri, "Ha shanduki mulovha, ḥamusi, na lini na lini. Ngauri pfulufhedziso ndi..." Huno Petro o amba nga Duvha la Pentekoste, "Shandukani, nothe, huno ni lovchedzwe nga Dzina la Yesu Kristo, uri hu vhe u hangwelwa zwivhi, huno ni do ḥanganedza tshifhiwa tsha Muya Mukhethwa. Ngauri pfulufhedziso ndi yanu, na vhana vhanu, na avho vha re kule, na vhanzhi vhane Murena Mudzimu washu a do vha vhidza." Vhanzhi vhe vha vhidza! Muya Mukhethwa wonoyo muthihi, madekwana a ḥamusi, u tou fana na zwe Wa vha u zwone tshifhingani itsho, kha mbilu i fhulufhedzeaho. Arali i sa... Naa ndi zwi si zwa nga misi nga maanda kha inwi u tenda Mudzimu?

¹⁴⁶ Vhunga Paulo o amba na Agripa, "Oo, Agripa, naa ni, naa ni do hanedza zwe vhaporofita vha amba?"

¹⁴⁷ Naa ni do hanedza zwe Yesu a amba, Ene mune, zwine Bivhili Yone inę ya amba (ine ya vha Kristo, Ipfi lo doliswaho)? Huno arali Ipfi li tshi dzula kha inwi, zwenezwo ni muthu o doliswaho nga Ipfi. "Ni tshi dzula kha Nne, na Ipfi Langa kha inwi, zwenezwo humbelani tshine na ḥoda, ni do itelwa tshone." Uyo ndi Kristo kha inwi, a tshi dolisa Ipfi la tshino tshikhathi, tshikhathi tshiňwe na tshiňwe tshe vha tshila khatsho. Mudzimu o kovhekanya Ipfi Lawe—Lawe kha zwikhathi. Huno tshifhinga tshothe hu tshi da itsho tshifhinga, zwivhidzo zwi a timatima, huno Mudzimu u dolisa muňwe muthu, a Li rumela fhasi huno a ita ilo Ipfi uri li ite kokotolo nga ndila ye A amba zwauri Lo ita. Kokotolo. Huno hu na Ipfi lo porofitelwaho ili duvha. Mudzimu o lindela u wana muňwe ane La sa vhe li si la misi khae, uri vha nga kona u doliswa nga Muya Mukhethwa, u sumbedza uri Yesu Kristo ha shanduki mulovha, ḥamusi, na lini na lini, u vha tshedza tshi penyaho, u swingisa mařo a a sa tendi. Huno vha do Li nyefula, vha disa u luga khavho; ngauri Mulayo wa Mudzimu wo luga, huno khatsho i nga da fhedzi nga u luga Hawe. Huno zwenezwo A nga kona u hačula shango, nahone a li rumela khavhuni ya mulilo, vhunga zwe A ita Vhasodom. Zwino dzhielani nzhele.

¹⁴⁸ Zwino ri wana, kha lwendo, vho tevhela Tshiga tsho nekedzwaho nga Mudzimu. Vho sedza. A vho ngo dzhia ipfi la muňwe muthu-vho. A vho ngo tsela fhasi huno vha vhudzisa

iñwe bishopo-vho, kana tshiñwe tshithu-vho. Mudzimu o vha nea Tshiga. Vho Tshi vhona *hafha*, Tsho vha tshi Ngoho, huno vha bva vha Tshi tevhela. Tsho ranga phanda ndilani. Tsho vha Tshi tshe Luñwalo lwa bula uri tshi do ralo. Vho divha uri itshi tsho vha tshi tshi khou da, huno vha tshi tevhela. Huno tsho vha tshi tshini? Ndi a kona u vha vhona vha tshi khou tuwa, vha tshi khou tañaisa, “Ri do vhuya linwe duvha, vharathu, ra ni disela mulaedza, ngauri ri a divha uri Ndi ngoho.” Huno vha I tevhela, fhasi u buđekanya dzithavha, fhasi u buđekanya Mulambo wa Tigiris, fhasi vhukati ha midavhi, mađuvha a tañdulukana, miñwedzi ya tañdulukana, zwi tshi kond a vha tshi tshimbila, vho sedza iyo Naledzi.

¹⁴⁹ Nga masiari, khamusi, vho vha vha tshi lala huno vha awela, nahone vha edela, vha rembuluwa, vha amba nga tshavho, “Oo, hu fanela u vha hu tshi mangadza musi ri tshi swika henengei; ili Liñalazaza la Tađulu, itshi Tshedza tsha Tađulu, itshi Tshedza tshine ra tshi vhona, itshi Tsha N̄tha Ha Mupo!”

¹⁵⁰ Amene! Ni elekanya uri ndi a penga? A thi pengi. Dzhielani nzhele ili Liñalazaza la Tađulu, itshi Tshedza tshine ra khou tshi sedza!

¹⁵¹ Zwino elelwani, a hu na muñwe muthu-vho o Tshi vhonaho, Tsho pfuka tshifhađo tsha vhusedzi na tshifhađo tsha vhusedzi, fhasi nga Vhasedzañaledzi na Vhasedzañaledzi. Fhedzi Tsho vha tsho rumelwa vhone. Ndi tenda uri vho Tshi vhona, ngauri Bivhili yo ri vho ralo. A hu na muñwe muthu-vho o Tshi vhonaho.

¹⁵² A hu na muñwe muthu o vhonaho Tshedza tshe Paulo a tshi vhona, Tshithu tshenetsho tshithihi. Tsho mu rwa a wela fhasi, ndilani ya u ya Damaseko. Fhedzi Tsho vha tsho newa Paulo.

¹⁵³ A hu na muñwe muthu o vhonaho Muya Mukhethwa u tshi da vhunga Tshedza tshi bvaho Tađulu, Liivha, nga nn̄da ha Yohane. O Tshi vhona, u a tañziela. O Tshi vhona, vhañwe vhothe a vho ngo ralo. O ralo, ngauri o vha a Tshi khou tshi ṭoda.

Vhasedzañaledzi vho vha vha tshi khou Tshi ṭoda!

¹⁵⁴ Huno musi ni tshi khou Tshi ṭoda, musi no lugela u tañganedza Mpho ya Khushumusi ya vhukuma, Tshifhiwa tsha Khushumusi tsha vhukuma, Tshifhiwa-tsha-Kristo tsha Mudzimu, Muya Mukhethwa. Ni khou Tshi ṭoda, ni do Tshi vhona. Ndi Tshedza tsha Tađulu tsho rumelwaho fhasi tshi tshi bva ha Mudzimu, tshi bvaho Tađulu, u tañziela Yesu Kristo.

¹⁵⁵ Zwino, a vho ngo dzhia ipfi la muñwe muthu-vho. Nga masiari, tsho vha tshi sa dziki. Vha ri, “Oo, ndi nga si tou lindela. A thi divhi uri ri do tshimbila tshikhala tshingafhani. Khamusi ri do ya ngei—ngei Yerusalem, kana fhasi ngei Mashangoni Makhethwa, Palestina, ngauri afho ndi hone he vhuporofita ha amba zwauri Uyu u do bebelwa hone. Ngauralo ri do Tshi wana,

zwenezwino kana ngavhuya.” Vhusiku vhu a da huno swiswi li thoma u dzhena ngomu.

¹⁵⁶ Elelwani, Tshedza tshi penya fhedzi swiswini. Iyo ndi yone ndila i yothe ine Tsha limuiwa. Arali ro vhuya ra tshila tshifhingani tsha swiswi, musi muthu na ndaela zwo sendedza vhathu kule na Ipfi la Mudzimu, ndi namusi, musi idzi dinomineisheni dzo vha vhofha kha tshakha dzothe dza zwithu nga nnda ha Ipfi la Mudzimu. U swika, vha tshi vha vho swingaho lwo edanahou u dzhena kha Khoro ya Dzigereke, zwithu zwo raloho, vha tshi diita vhathihi na tshakha dzothe dza vha sa tendi. Ngeno, Bivhili yo ri, “Naa vhavhili vha nga tshimbila hani vhothe vha songo langana?” Huno zwivhidzo zwashu zwi tshi khou dzhena kha tshigwada tsho raloho tsha zwithu zwinzhi zwo fhambanaho! Ngoho, vho swinga. Fhedzi ndi kha iyo awara ya swiswi musi Tshedza tshi tshi da. Izwo ndi musi Tshedza tshi tshi penya.

¹⁵⁷ Huno vho Tshi sedza. Huno musi vhusiku vhu tshi da, vha a takala huno vha ri, “Dzulela u ranga phanda, u ranga phanda u ya vhukovhela, tshi kha di isa phanda, ri endedzele kha itsho Tshedza tsho fhelelaho.” U ya phanda, fhasi seli ha milambo vha ya, fhasi vhukati ha thulwi dza muṭavha na huňwe na huňwe, zwezwo vha tshi khou ya, vha tshi ṭodou wana fhedzi yeneyo Ngoho.

¹⁵⁸ Huno, sedzani, Betlehema wo vha wo dubekana na Yuda kokotolo u bva he vha . . . Huno Yerusalem wo vha wo dubekana na Betlehema u bva he vha vha vho ima. Dzhielani nzhele. Oo, ndi tshiga-de, arali ni tshi nga tshi pfesesa. *Hafha* ndi Betlehema, huno Yerusalem ndi *hafha* nt̄ha. Huno u bva he Vhasedzaaledzi vha vha vha tshi khou bva hone, vho do tea u thoma vha da Yerusalem, vha sa athu da Betlehema. Naa ni khou zwi pfesesa? Iyo ofisi khulwane, khulu, ya tshitaela tshayo, ya dinomineisheni, (ee, mune wanga) Yerusalem, he dinomineisheni dzothe dza ṭangana dzothe. Khoro khulwane yo ṭangana heneffo, ni a divha. Ngauralo musi avha vhanna, vho da, huno vha da kha uyu muđi, huno vha elekanya, “Ngetshilaa! Arali muňwe muthu a tshi do divha nga Hatsho, a nga kona u ri ṭalutshedza itshi Tshedza tshihulwane tshi mangadzaho, ngevho vhotshifhe vhahulwane vhothe. Ngeyo madokotela a Ngudavhurereli, ngedzo Ph.D., LL.D., na idzi dzothe dzi re hangei nt̄ha, vha do divha tshiňwe na tshiňwe nga Hatsho. Oo, vharathu, Yerusalem u khou vhonala! Ngezwi ri a ṭuwa, ri do vha nawo.” Heneffo zwiṭaraṭani vha bvelela!

“Naa ni yafhi?”

“Ri na mulaedza muhulwane.”

“Naa ndi mini?”

¹⁵⁹ “Naa U ngafhi uyo o bebwaho e Khosi ya Vhayuda? Naa itshi Tshedza tshi mangadzaho hafha nt̄ha tshi malugana na mini?

Ndi nnyi, naa U ngafhi?" N̄tha na fhasi zwiṭaraṭani, avha vhanna vho pfumaho, na gamela dzo ambadzwaho zwavhuđi, na musuku na miri ya zwioro, n̄tha kha tshiṭaraṭa tshińwe na tshińwe, fhasi kha phasedzhi ińwe na ińwe, vha tshi khou zhamba, "Naa U ngafhi? Naa U ngafhi? Naa U ngafhi?" Fhedzi o wanulusa uri a vho ngo vha na phindulo.

¹⁶⁰ Tshililo tshihulwane ḥamusi, "Vhukomunisi vhu kha rię!" Oo, khasho ińwe na ińwe ya radio, tshifhinga tshoṭhe i rwa Vhukomunisi. Ni kona u ṭalukanya Vhukomunisi; fhedzi tshiga tsha tshifhinga, a ni koni u tshi ṭalukanya.

¹⁶¹ Yesu o ri, "Ni kona u ṭalukanya nzulele ya lutombo; fhedzi tshiga tsha tshifhinga, a ni koni u tshi ṭalukanya."

¹⁶² Tshifhinga tshoṭhe hu ambiwa nga ha "Vhukomunisi! Vhukomunisi!" Ndi khwine ni tshi wanulusa uri hu na tshińwe tshithu-vho tshi no tshimbila naho.

¹⁶³ Naa ri tshila tshifhingani-de? Naa ndi tshiga-de tshe Mudzimu a ri U do tshi sumbedza mafheloni, zwi sa athu khunyelela? Naa zwithu zwe A amba zwo vha zwi zwini? Israele e fhethu hawe nga hangei, muhuyu u tshi khou disimula hafhu. Sedzani tshińwe na tshińwe uri tsho dzula kokotolo ndilani hani. Huno tshivhidzo tshi kha nyimele ya Laodikea, na Yesu e nn̄da, mushavhi kha tshivhidzo Tshawe ene mune; u tou fana na Dafita o vha e n̄tha nga n̄tha ha Betlehema, mushavhi a bvaho kha vhathu vhawe ene mune. Mushavhi! Huno Kristo, Bivhili yo amba, mađuvhani a u fhedzisela, o vha e mushavhi kha vhathu Vhawe ene mune. Ngei kha Nzumbululo, ndima ya 3, kha tshikhathi tsha Laodikea tshine ra khou tshila khatsho, "Kristo u nga nn̄da, u khou om̄ba-om̄ba, u khou lingedza u dzhena," mushavhi kha vhathu Vhawe ene mune.

¹⁶⁴ Ndi hone zwenezwo ayo maswole a tshi dzhuvhula ayo mabanga, huno Dafita a lilela tshinwiwa tshiswa tsha mađi, huno vha vula ndila yavho vhukati ha vhanna vha maela dza fumiňhanu, u mu wanelo tshinwiwa tsha mađi. Huno Dafita a a shululela mavuni, sa tshiṭhavhelo, tshidzimu tsha tshinwiwa.

¹⁶⁵ Ee, maswole ḥamusi, Yesu u ṭoda tshinwiwa tsha mađi avhudi, a pentekostała ya kale, maswa. Aya mađi a dinomineisheni, a sa eleliho a khou Mu lwadza. Dzhiani Ipfi la Mudzimu, huno ni Li kokodze, nahone ni tshee nga vhukati ha idzi ndaela dzoṭhe na zwithu, u swika ri tshi kona u rwa afho fhethu hune ha vha na tshinwiwa tshiswa Tshawe; nduvho ya vhukuma, ya ngoho, mbilu ya vhukumakuma, hune A nga shululela fhasi Lawe, a ita Ipfi Lawe uri li tshile kha lino ḥuvha. U do vha nayo. O amba zwauri Ū do "Vhuyedzedza Lutendo lwa vhathu murahu kha vhokhotsi; Lutendo lwa vhana." Maleaxi 4 i a ri vhudza zwauri i do da, huno i do vha hone. Ni songo whilaela, i do vha hone. Mudzimu o no di amba nga u ralo, ngauralo ndi zwenezwo fhedzi. Watshi i khou tshimbila zwavhuđi. Ee, mune

wanga. Fhedzi ḥamusi ri a vhona uri avho vhahulwane, ḥamusi izwo ri vhona... .

¹⁶⁶ Ndi ngani Vhukomunisi vhu tshi khou da? Ndi ngani shango li tshi khou miliwa? Ndi ngani phesente nthihi ya Russia yo kona? Iyo yothe ndi Vhukomunisi. Phesente dza fuṭaheṭahe dici kha di vha dza Tshikriste. Phesente nthihi ya Russia, i tshi langa shango loṭhe, kaṭukuṭuku, shango la Vhubvaḍuvha. Vhukomunisi. Mulandu? Ndi ngani ho zwi ita? Bivhili yo ri vhu do ralo; U na phindulo.

¹⁶⁷ Fhedzi ni a vhona zwino ri khou lingedza u lwa na *hetshi* na *hetsho*. Huno tshenetsho Tshithu tshe Mudzimu a ri rumela tshone uri ri tshi sedze, a ri Tshi vhone.

¹⁶⁸ Vho dzhiwa... .ngomu heneffo, vha tshi khou lingedza u wanulusa uri vha tea u ambara gunubu dza lushaka-de kha zwiambaro zwavho, na khonferensi i tevhelaho, ndi nnyi a no tea u vha tshiambi tshavho tshihulwane, na zwiñwe-vho, tshiñwe tshithu tshi re kha nzudzanyo ya hezwo.

¹⁶⁹ Huno hafha ho vha hu na vhanna vha vhutali vho sedza Tshedza tsha Ṭadulu tshavho, tshi tshi tsela fhasi, ha pfi, “Musi ndi tshi swika Yeruselema, vha do mmbudza uri itshi Tshedza tsha Ṭadulu, tshi mangadzaho tshi re nga n̄tha hashu ndi mini, tshi no ri ranga phanda.” Huno vha ya n̄tha na fhasi tshitaraṭani, “Naa U ngafhi? Naa U ngafhi o bebwaho, e Khosi ya Vhayuda? Ro vhona Naledzi Yawe Vhubvaḍuvha. Ro da u Mu luvha. Ri na musuku, miri ya zwioro, ri na tshiñwe na tshiñwe Tshawe. Naa U ngafhi? Naa U ngafhi?”

¹⁷⁰ Vha ri, “Naa Nnyi u ngafhi? Mini?” Iyo ndi ndila ine zwa vha ngayo ḥamusi. “Oo, a hu na tshithu tshi no ngā hetsho tshi no bvelela ḥamusi,” vha ralo.

“Oo, musi ḫuvha li tshi kovhela, ri vhona Tshedza tshi mangadzaho.”

“Na kathihi a tho ngo Tshi vhona.”

“Vhidzani munna a re kha thawa.”

“Naa no vhona luñwe lushaka-vho lwa Tshedza tshi mangadzaho?”

“Naa no ri mini?”

“Ni vhona tshiñwe tshi mangadzaho... .?”

¹⁷¹ “Hai! Naa thaidzo ndi mini nga inwi?” Ni a vhona, a vho ngo vha na phindulo.

¹⁷² A vha nayo ḥamusi! A vha ḫivhi zwine izwi zwithu zwa vha zwone, hune vha tea u zwi ḫivha, hune ḫohoh khulwane dza zwivhidzo dza tea u limuha izwi zwithu. Fhedzi Mudzimu tshifhinga tshoṭhe u shuma kha vha si gathi, nahone nga u ḫitukufhadza nga maanda lune zwa da nga n̄tha havho, a vha zwi ḫivhi. Fhedzi naho zwe ralo U khunyeledza Ipfi Ḫawé nga

u ralo. Izwo ndi zwone. Riñe vhañe ri a tanganana kha izwi zwithu zwihihulu, huno a ri koni u sudzuluwa. (Mudzimu, ri vhofholole kha izwo zwithu, uri ri kone u vhona awara ine ra khou tshila khayo.) Arali Mudzimu a tshi tea u shuma nga muloro hafhu, A nga ni dzumbululela zwone. Ngoho, A nga kona. Ri khou tshila mađuvhani a u fhedzisela. Zwino thetshelesani. Oo!

¹⁷³ A vho ngo vha na phindulo ya Tshedza tshi mangadzaho, a vho ngo vha nayo ofisini khulwane. Na namusi a vha nayo. Ngauralo naa vho itani? Vho ḥoda Ipfi la Mudzimu. Uyo ndi muhumbulo. Vha ri, “Kha ri sedze kha Ipfi la Mudzimu, huno ri wanuluse hune izwi zwithu zwa vha hone.” Huno musi vho ḥoda Ipfi la Mudzimu, Vhasedzañaledzi vho vha vho thanya u fhira vhunzhi ha vhathu namusi. Vhasedzañaledzi vho vhona, u ya nga Ipfi la Mudzimu, uri vho vha vha si nayo, nahone vho vha vha sa khou yo i wana. Amene. Vho wanulusa uri uyo wo vha u sa vhuyi wa vha mudi, afho ho vha hu sa vhuyi ha vha fhethu hone. O vha e wa u bebwā Betlehema wa Yuda. Amene. Wa miłukusa, wa u dītukufhadzesa vhukati ha yone yothe, mutuku, mutukunyana, fhethu hułuku, hu si ni muhulu wo diitelaho tshitaela tshawo. Vhanna vha vhułali vho zwi vhona nga u ḥavhanya. Ipfi la Mudzimu lo zwi dzumbulula, zwauri vho vha vha si nayo nahone vho vha vha sa khou yo i wana, ngauralo vho bva kha ilo vilinga. Arali ro vha ri tshi nga ita zwenezwo zwithihi! Vho tsivhudzwa muloroni, vha bva kha ilo vilinga vha ḥuwa. Ngauralo, vha li sia. Haleļuya, khavho. Vha li sia.

¹⁷⁴ Nga murahu ha musi vho no bva kha ilo vilinga, zwenezwo Tsha N̄tha Ha Mupo tsha bvelela hafhu. Ngetshilaa. Nga murahu ha musi vho no vhofhololwa kha izwo zwithu. Nga murahu ha musi vho bva kha itsho tshigwada tshothe tsha zwithu zwinzhi hangei, vha tshi hanedzana, vha tshi ḥata khani, na tshińwe na tshińwe, vha dzhena ngomu heneffo he ofisi khulwane ya vha i hone, na vhotshifhe vhahulu hulu vhothe, na madokotela a Ngudavhurereli, vhothe vha tshi khou tshimbila u mona hothe vhe na Ph.D. yavho, nahone vho ambara muñadzi wo lapfaho, muhulwane, muhulu wavho, vho kundelwa u vhona Naledzi, ya hezwo. Vha tshi tshimbila iyo... Zwithu zwi no nga hezwo zwi swingisa vhunzhi ha vhathu; madzina mahulu, na vhathu vhahulu vha tshi khou tshimbila u mona hothe.

¹⁷⁵ Vhunzhi havho vho ri, “Ndi zwone, a hu na tshithu tshi no nga hetsho. Miňwaha ya madana maña, na kathihi a ro ngo pfa nga ha tshithu tsho raloho. Naa thaídzo ndi mini nga avho vhathu vha pengaho? Vha rumeleni murahu ngei India hune ha vha haya havho.”

¹⁷⁶ “Zwo ralo, mini? Ipfi la Mudzimu, mini nga Halɔ? O ri, ‘Iwe Betlehema wa Yuda, naa iwe a u mułukusa vhukati ha vhakololo vhothe vha Yuda? Fhedzi kha iwe hu do bva...’ Oo, ri fhethu hu

si hone,” vha ralo. “A ri nga vhi vhathihi na tshiñwe tsha izwi zwithu-vho.”

¹⁷⁷ Ngauralo, vha rembulusa gamela dzavho huno vha tuwa khawo. Mudzimu a vha fhañutshedze. Vha bva heneffho vha tuwa. Huno vho no di bva khawo, heneffho Tshedza tsha bvelela hafhu. Tsha N̄tha Ha Mupo tsha thoma u dzhena hafhu khavho. Yawee, nnenne! Vha thoma u tevhela-ha Tsha N̄tha Ha Mupo, Vhasedzañaledzi vha bva kha sisteme yavho. Ngauralo nga murahu ha musi vho bva khayo, Tshedza Tsha N̄tha Ha Mupo tshi bvaho Tađulu tsha bvelela hafhu khavho.

¹⁷⁸ Musi ni tshi kha di vha no vhoxwa na tshigwada tsha vha sa tendi vhane vha sa tende izwi zwithu, na kathihi ni nga si kone, ni do vha o swingaho sa nyamulemalema. Dikhaukanyeni na tshiñwe na tshiñwe; arali hu mme, khotsi, khaladzi, mukomana, dinomineisheni, kana tshiñwe na tshiñwe tshine tsha vha tshone. “Ane a sa do furalela vha hawe ene muñe, huno a Ntevhela, ha vhuyi a fanela u vhidzwa Wanga. Ane a vhea tshanda tshawe kha dzembe, huno a thoma, huno a vhuya a rembuluwa uri a sedze murahu, ho ngo fanela u lima.” Mukomana, khaladzi, i ri ni ndi ni vhudze, hu na Tshedza tsha vhukumakuma, tsha ngoho tsha Tshikriste tshi penyaho madekwana a ñamusi, Ndi Yesu Kristo, a sa shanduki mulovha, ñamusi na lini na lini. Divhofhololeni kha tshiñwe na tshiñwe! Huno Ndi ene Ipfi. Ndi ene Ipfi tshifhinga tshothe. Ipfi la Mudzimu ndi lone tshothe. A si la ñthalutshedzo ya tshidzumbe.

Inwi ni ri, “Li amba hetshi.”

¹⁷⁹ Li amba zwezwo zwine La amba. Bivhili yo ri, “A si la ñthalutshedzo ya tshidzumbe.” Arali Li tshi ri, arali Li tshi ri, “ntswu ndi ntswu, huno tshena ndi tshena,” iyo i tou vha ine ya vha yone. Ndi Ambadzifhele. Ndi Vhukumakuma. Huno muthu muñwe na muñwe o bebwaho nga Muya wa Mudzimu o vhoxwa Khalo, a hu londwi, a hu na tshire tshi nga mu fhandekanya Nalo. O vhoxwa kha ilo Ipfi, ngauri ndi Kristo. Kristo ndi Ipfi. Huno Kristo a nga si zwifhe nga ha Ipfi Lawe, ngauri Ndi ene Ipfi.

Inwi no ri, “Ndi zwone, ndi a ñivha uri O amba Hezwo, fhedzi!”

¹⁸⁰ A hu na na “fhedzi” na tshithu nga Halo. O tou amba uri Lo vha li nga heyo ndila, huno izwo ndi zwine La vha zwone. Huno A nga si Li shandukise. A nga si kone. Ha shanduki. O ri, “Mañadulu na lifhasi zwi do lovha, fhedzi Maipfi Anga ha nga lovhi na kathihi, na kathihi ha nga kundelwi.” Li do vha heneffho nga khalanwaha Yalo. Li do ralo, hu do vha na muñwe heneffho a no do Li ita uri li penye. Izwo ndi zwone.

¹⁸¹ Huno Mudzimu o amba ilo Ipfi, uyu Murwa u do vha heneffho, huno heneffho A vha hone, u Li ita uri li penye. Heneffho ho vha hu na uyo Mueni wa Tađulu; huno vho vha vho Mu sedza,

huno vha da tswititi Khae. Ngauralo vha ḥutshela ndaela ya kale, huno vha thoma kha Tsha N̄tha Ha Mupo hafhu, huno vha mbo ṭuwa. Nga ndila ye vha takala! “Vhone,” Bivhili yo ri, “vho takala nga dakalofulu musi vha tshi vhona itsho Tshedza tshi tshi da hafhu.”

¹⁸² Oo, mukomana, khaladzi, zwi do vha zwavhuđi hani arali muňwe na muňwe waňu, arali muňwe na muňwe washu, riňe, nne, arali muňwe na muňwe washu o vha a tshi nga vhetshela izwi zweithe thungo hafha zwa mukhavhisa wa Khushumusi, ni a vhona, a litsha izwi zwifhiwa zweithe zwa u nekana, nga tshashu, zweithe zwa uvhu vhuťafuťafu ha shango; huno ra tou bvula vhudikukumusi hashu nahone ra vhu vhea fhasi, huno itsho tshithu ra tshi kanda nga mulenzhe, ra ri, “Murena Yesu, nnyendedze kha itsho Tshedza tsho fhelelaho.” Sedzani tshiňwe tshithu Tsha N̄tha Ha Mupo tshi tshi bvelela. Muya Mukhethwa u do da nga ndila i akhamadzaho. Ni a vhona?

¹⁸³ Vha bvela phanda na u tshimbila, vha tshi khou tevhela Tsha N̄tha Ha Mupo. Huno ndi mini tshe vha sia? Vho tevhela Tshiga tsha Tađulu tsha ilo duvha, zwino elelwani, Tshiga tsha Tađulu, tsho nekedzwaho nga Mudzimu. Naa vhoinwi nothe ni a tenda uri izwo ndi ngoho? Itsho tsho vha tshi Tshiga tsha Tađulu, tsho nekedzwaho nga Mudzimu. Vho tevhela itsho Tshiga u swika vha tshi wana Ipfi lo itwaho ñama. Naa ni a tenda zwauri O vha e Ipfi lo itwaho ñama? Tshiga tsha Tađulu, tsho fulufhedziswaho ilo duvha, tsho vha ranga phanda kha Ipfi lo itwaho ñama.

¹⁸⁴ Mukomana, khaladzi, U do ita zwenezwo zwithihi madekwana a ñamusi. Itshi Tshiga tshihulwane tshi bvaho Tađulu, tshine ra vha natsho, Muya Mukhethwa u tshilaho vhukati hashu, Tshi tevheleni. Tshiňwe tshithu tshi khou shuma mbiluni yanu, “Ndi a ñivha uri ndi tea u ḥanganedza Hoyo. Ndi a ñivha uri ndi tea u ita zwo engedzeaho u fhira u vha murado wa tshivhidzo.”

¹⁸⁵ “Ndi na bindu ḥavhuđi, ndi—ndi a ñivha uri li khou tshimbila zwavhuđi.” Mukomana, naa ni a ñivha uri nga liňwe la aya mađuvhā vhulwadze ha mbilu vhu nga di ni dzhia nga awara ya vhuňa nga matsheloni, huno na tea u ḥutshela ilo bindu? Zwenezwo ni yafhi nga murahu ha hezwo?

¹⁸⁶ [Tshikhala kha theiphi—Mudz.]...ho khwathisedzwaho namani yanu inwi munę, ni muthu o bebwaho nga Muya Mukhethwa. Naa a ni funi u vha na uvho? Naa iyo i nga si vhe mpho ya Khushumusi khulwanesa ine muňwe muthu-vho a nga i wana? Tshifhiwa tsha Vhutshilo Vhu Sa Pheli. “Mudzimu o funa shango nga maanda, zwe A nekedza Murwa Wawe mubebwa-e-ethe, uri ane a Mu tenda a si ḥovhe, fhedzi a vhe na Vhutshilo ha lini na lini.”

¹⁸⁷ “Ro vhona Naledzi Yawe Vhubvađuvha huno ro da u Mu luvha.”

¹⁸⁸ Vhutshilo-tshedza ho enda na ɬuvha, u bva Vhubvaðuvha, vhu tshi ða vhukovhela. Ri kha Khunzikhunzi ya Vhubvaðuvha zwino, Vhubvaðuvha na Vhubvaðuvha zwo tangana, ri nga si ye phanda. Vhutshilo-tshoþe ha kalesa ndi Tshaina, murahu thwii kha ɬinwe sia ɬa shango. Elelwani, ho lovha . . .

¹⁸⁹ Huno tshivhi tsho enda na vhutshilo-tshedza. Huno ri . . . ndi a divha uri zwi a konda u amba hezwi. Fhedzi, mukomana, khaladzi, na mihumbulo na zwine mbilu ya muthu ya fhima, muthu o ðoliswaho Muya a nga kona u ima, huno no no zwi sedza nahone na zwi vhona kha vhañwe. Inwi ni a ima na sedza muthu, i ri ni vha ambe ipfi kana mavhili, ni nga kona u vhona heneffo izwo zwilumi zwi tshi fhufha; ni a vhona, vha—vha fasha iyo ndodzo ine zwa vha nayo. Muhumbulo muñwe na muñwe wa muthu ndi muvhisi misi yoþhe. U tou fana na zwe wa vha u zwone maðuvhani a Noaxe, u swika u tshi vhuya wa tungufhadza Mudzimu uri muthu O mu itelani, A ri, “Ndi ðo tshinyadza muthu a re kha liphasi.” Huno ro no ði vhuya kha itsho tshifhinga, hafhu. Dzhiélani nzhele.

¹⁹⁰ Fhedzi U na Tshividzo tshiþuku tshine A ɬoda u tshi dzhia. U na vha zwigidi zwinzhi vho lalaho, vho edelaho lifhasini; u tshesa ha u thoma, u tshesa ha vhuvhili, ha vhuraru, ha vhuna, ha vhuñanu, ha vhurathi. Huno uhu ndi u tshesa ha vhusumbe. Elelwani, uho ndi musi A tshi ða, kha u tshesa ha vhusumbe. Huno kha u tshesa uho, O wana vhasidzana vha vhuñali, na vhasidzana vhe vha vha vhe na Ole nnða ha luvhone Iwavho. Ole ndi tshiga tsha Muya Mukhethwa. Arali Iyo ni songo i wana kha luvhone lwañu madekwana a ñamusi, mukomana wanga, khaladzi, ndi ngani ni sa dzhii Iyo, Mpho ya Khushumusi khulwanesa ya Mudzimu.

¹⁹¹ Ni a divha, ñamusi ri wana mpho khulwane, khulu, ra i putela, huno ra dzhia dolara tharu u i putela, ra vhea tshakha dzoþe dza mukhavhisa khayo. Huno zwifhinga zwinzhi ni elekanya uri ndi mpho khulwane. Huno musadzi o imaho ngomu vhengeleni lila ɬuvha, vhuvhili havho, vha tshi khou amba, muñwe a ri u khou yo wanela khotsi awe . . . Ha pfi, “Mini,” a tshi khou amba na murathu wawe, ha pfi, “naa ni khou yo wanela khotsi mini?”

¹⁹² Ha pfi, “Ndi khou yo vha wanela paka ya magaraþa, na—na khadibogisi ɬa dzisigareþe.”

¹⁹³ A ri, “Ndo vha wanela tshaþhanu tsha wisiki, huno,” ha pfi, “Ndi khou yo i putela.” Ni a vhona, mukhavhisa u re nga nnða a si, a u divhadzi tshi re ngomu. Ni a vhona?

¹⁹⁴ Fhedzi Mudzimu u na Mpho ya Khushumusi ye a itela inwi madekwana a ñamusi. O I putela mukungwani. Nga nnða ho vha hu sa sumbi nga maandesa, fhedzi, oo, nga Ngomu ndi Vhutshilo Vhu Sa Fheli. Naa ni nga si tendele itshi tshiitea tsha Muya Mukhethwa tshi tshi kwama vhutshilo hanu madekwana a

namusi, huno tsha ni ranga phanda kha Tshedza tsha U Ya Nga Hu Sa Pheli?

Kha ri kotamise zwifhaṭuwo zwashu lwa tshifhinganyana.

¹⁹⁵ Kha vhudziki ha tshino tshifhinga, uyu wo reñwaho zwiṭuku, arali ndo vha ndi tshi nga u vhidza mulaedza wa Khushumusi, muñwe wayo. Arali ni tshi tenda zwa vhukuma uri ndi Ngoho, huno ni sa athu wana itsho Tshedza tsha U Ya Nga Hu Sa Pheli na kathihi, na kathihi a ni athu tendela Muya Mukhethwa muhulwane u ni dededza kha itsho Tshedza, ni do amba zwenezwino mbiluni yañu, huno na ri, "Murena Yesu, ndi ṭodou wana itsho Tshedza. A thi londi zwine muñwe muthu-vho a amba, ndi nne, ndi nne ene, ndi ṭodou wana itsho Tshedza." Naa ni do imisa zwanda zwanu zwino, musi no kotamisa zwifhaṭuwo zwanu? Imisani tshanda tshanu, ni ri, "Nthabeleleni, Mukomana Branham, ngangoho mne ndi ṭodou wana itsho Tshedza." Mudzimu a ni fhaṭutshedze, mufumakadzi. Mudzimu a ni fhaṭutshedze. Huno Mudzimu a ni fhaṭutshedze, mufumakadzi. Mudzimu a ni fhaṭutshedze, muñe wanga. Muñwe, imisani tshanda tshanu, ni ri, "Ndi ṭoda, ndi ṭodou, ndi ṭoda Mpho ya Khushumusi ya Mudzimu." Mudzimu a ni fhaṭutshedze, muñe wanga. Mudzimu a ni fhaṭutshedze, mufumakadzi. Muñwe, u ri, "Ndi ṭoda Mpho ya Khushumusi ya Mudzimu. I rumele kha nne, Murena, a thi londi zwine Ya vha zwone. Arali I tshi da i mukungwani, arali I tshi da i ḥuluni, a thi londi uri I vhonala i tshi shonisa hani kha shango, uri ndi tea u vhonala ndi tshi shonisa hani kha shango." Ni a ḥivha, zwifhiwa zwihulwane zwa Mudzimu tshifhinga tshothe zwi ita muthu uri a ite nga ndila i kanukisaho.

¹⁹⁶ Sedzani Mushe, muñivhatheolodzhi muhulwane, tshikola tshihulwane, fhedzi liñwe ḥuvha o ḥangana na Tshedza murahu ha phanga. A bvula zwienda zwawe. Munna wa miñwaha ya fumalo, na ndebvu dzi tshi nembelela u swika khunduni dzawe, a vhea mufumakadzi wawe na luskie lwawe kha meila, huno a tsela Egipita. He a vha e na mmbi yothe ya u dzhia maanda awe a u langa liñwe ḥuvha, huno a kundelwa; zwino u humela murahu e na lubada lwo kombamaho fhedzi, a tshi tsela Egipita, u dzhia lushaka. Mulandu? O no wana itsho Tshedza, itsho Tsha N̄tha Ha Mupo.

¹⁹⁷ Huno itsho Tshithu tshiṭuku tshi no khou thwista mbiluni yañu madekwana a ñamusí, itsho ndi Tsha N̄tha Ha Mupo, itsho ndi Tshedza tsha lino ḥuvha. Naa ni nga si Tshi tendele u ni ranga phanda kha Yesu Kristo, Ane a nga ni ñea fhedzi Vhutshilo? Naa hu na muñwe a songo imisaho zwanda zwawe, a no do ri, "Nnyelelweni, Mukomana Branham, thabeloni zwino"? Mudzimu a ni fhaṭutshedze. Muñwe? A ni fhaṭutshedze. Muñwe, muñwe muthu? Mudzimu a ni fhaṭutshedze. Mudzimu a ni fhaṭutshedze, muñhannga. Muñwe? Mudzimu a ni fhaṭutshedze, muthu muswa. Muñwe u do ralo?

¹⁹⁸ I ri ni, “Ndi ṭodou tevhela, ndi ṭodou tevhela Naledzi ya Mutsho, Kristo. Ndi ṭodou tevhela nahone nda wana Yesu wanga kha lino duvha. Ndi ṭodou ṭutshela kule ha izwi zweṭhe fhano zwa mukhavhisa wa Khushumusi na zwithu, ngauri nga liṅwe duvha zwi khou yo fhiswa nga mulilo u sa dzimi.” Huno avho vhoṭhe vhane vha tamba ngawo, vha do fhiswa ngawo. Shango, muitazwivhi, zwi do phanishiwa, vha do lovha na shango. Vhatu vha no funa shango vha do lovha na shango. Huno arali ni na, nangwe, lufuno lwa shango lu tshi kha di vha kha inwi, huno ni tshi ṭoda u direngisela tshoṭhe kha Yesu Kristo na Ipfi Lawe, imisani tshanda tshanu. Hafhu zwino, muṇwe muthu-vho a songo imisaho. Mudzimu a ni fhaṭutshedze. A ni fhaṭutshedze. Ndi khou tou amba hezwo. Mudzimu a ni fhaṭutshedze, mufumakadzi.

¹⁹⁹ A ni divhi, nga muniti muthihi muṇwe a nga di imisa tshanda tshawe. Ha pfi, “Naa izwo zwi ita phambano-de, Mukomana Branham?” Phambano vhukati ha lufu na Vhutshilo.

²⁰⁰ Arali itsho tshanda tsho ya n̄ha nga ndila *heyo*, huno inwi zwa vhukuma no amba zwenezwo, hu na Tshiñwe Tshithu tsini hanu. Naa Ndi mini? Itsho ndi itsho Tshedza tshire nda khou amba nga hatsho. Itsho ndi itsho Tshedza tshi no ni vhudza. “Ndo khakha. Hu na shango kha nn̄e. A thi tsha li ṭoda. Ndi do imisa zwanda zwanga.” Uvho ndi vhūtanzi.

²⁰¹ Elelwani mini, ni a divha zwine tshanda tsho imiswaho tsha vha zwone? Kha luambo luṇwe na luṇwe fhasi ha Taqulu, tshanda tsho imiswaho ndi u dīnekedza, tshiga tsha u dīnekedza. Musi ni tshi imisa zwanda zwanu, mmbi inwe-vho, huṇwe na huṇwe hune na imisa tshanda tshanu, ndi—ndi tshiga tsha dzitshakha tsha u dīnekedza.

²⁰² Ndi vhangana madekwana a n̄amusi, heneffa kha uyu muredzo zwino, vha no do imisa tshanda tshavho, vha ri, “Ndi nekedza zweṭhe, Murena. Ndi a dīnekedza. Ndo—ndo fhedza. Ndi a dīnekedza.” Mudzimu a ni fhaṭutshedze. Mudzimu a ni fhaṭutshedze. Izwo ndi zwone. Izwo ndi zwavhudi. Yawee, nn̄enñe.

²⁰³ A thi divhi arali mutambi wa piano afho a tshi do ya kha piano musi ri tshi khou rabela.

²⁰⁴ Khotsi wa Taqulu, ndi a limuha uri Lo ri, “Vhanzhi vhe vha tenda vho lovhedzwa.” Ndi zwenezwo fhedzi zwi no ṭodea, Murena. Arali vha tshi U tenda, tshiñwe tshithu tshi tea u bvelela. Ndi Vhau, ndi khaphu dza iyi tshumelo ḫukhu ya Ipfi la Mudzimu; Vhuhone ha Yesu Kristo fhano kha itshi tshigwada tsha vhatu tshavhuḍi madekwana a n̄amusi, tsho kuvhanganaho ngomu hafha, uvhu vhūtambo vhūtuku. Fhedzi madekwana a n̄amusi ri a divha uri U fhano. Nga inwe ndila, khamusi, ri nga di si Vhu vhone nga maṭo ashu fhedzi, fhedzi ro Vhu pfa nga tshiñwe tshipfi tshashu, tshipfi tshashu tsha

vhudipfi, tshipfi tsha vhudipfi mbiluni yashu, luvalo lwashu. Muya washu wo amba na riñe, huno wa ri, "Ri Vhuhoneni ha Yesu Kristo: Tshifhiwa tsha Khushumusi tshihulwanesa, Tshifhiwa tsha Khushumusi tsha u thoma tsha vhukuma tshi bvaho ha Mudzimu tshi tshi ya kha muthu."

²⁰⁵ Huno, naho zwo ralo, kha zwifhiwa zwe the zwo the zwi tanganedza, vhunzhi hashu a ri athu tanganedza itsho Tshifhiwa tshihulwane na kathihi. Ri rabela, Mudzimu, u itela vhone madekwana a ñamusi musi vho imisa zwanda zwavho, vha ñoda uhu u edana hothe. Vho disendeka nga iyo ndila, Khotsi. Ngavhe...

²⁰⁶ Vhorabi vho ita, na vhone-vho, vhunzhi ha vhadededzi vhahulwane vha ilo duvha vho disendeka nga Iyo ndila, fhedzi vho vha vha tshi ofha u bva huno vha ita uho u dinekedza hothe ha tshifninga tshithihi, huno vha Li tenda; huno vha tanganedza Mulaedza, na Tshedza tsha awara, Ipfi lo khwathisedzwaho. Ho vha na vhanzhi vho zwi itaho.

²⁰⁷ Murena, hu na vhanzhi fhano madekwana a ñamusi, vha fumbili kana furaru kha itshi tshigwada tsha vhatu tshiñuku. Arali ndo zwi dzhieha fhasi, kana ñtha, nkhangwele. Fhedzi, Murena Mudzimu, khamusi avho vhanzhi, hu tshi gaganywa, vho imisa zwanda zwavho. Vho dilugisela u dinekedza. Mudzimu, vha ñee Yesu, vha ñee Muya Mukhethwa vhutshiloni havho. Ngavhe iyi i tshi vha awara khulwanesa ya vhutshilo havho. Ngavhe vha tshi ya hayani madekwana a ñamusi, vhunga Yosefa, vha tshi khou elekanya nga ha izwi zwithu mbiluni dzavho, "Ndi ngani ndo imisa tshanda tshanga? Naa ndi tshini tshe tsha nnyita uri ndi ite hezwo? Naa ndo da hani kha hezwo? Naho zwo ralo, ndo ñifhima uri ndi Mukriste lwa miñwaha, fhedzi Tshiñwe Tshithu tsho mmbudza uri ndi imise tshanda tshanga." Mirado ya tshividzo, na vhashumeli, vho imisa zwanda zwavho, Murena. Ndi rabela uri U ñdo vha tendela iyi phaþutshedzo. Zwi tendele.

²⁰⁸ Huno ngavhe Muruňwa wa Murena a tshi da, huno a ri, "Ni songo ofha, itshi ndi Tshedza tsha duvha. Itshi ndi Tshedza tsha awara. Zwedza zwa nga madekwana zwi khou penya." Muporofita o ri, "Hu ñdo vha Tshedza tshifhingani tsha nga madekwana, duvha li sa athu kovhela." Huno, Murena, ri vhone u kovhela ha tshifhinga, hu si kale tshi ñdo vangana na Vhutshilotshothe. Tendela, Murena, uri muñwe na muñwe wavho a wane Yesu madekwana a ñamusi. Ngauri ndo zwi humbela nga Dzina Lawe. Amene.

²⁰⁹ Kha ri imise zwanda zwashu nga tshivhumbeo tsha u dinekedza, nga ndila *heyi*, musi ri tshi ima nga milenzhe yashu.

²¹⁰ Ndi khou yo ni humbela tshiñwe tshithu. Vho inwi vhe na imisa zwanda zwanu tshifhinganyana tsho firah, ndo—ndo ni rabelela. Ndi zwenezwo fhedzi zwine nda ñivha uri zwi itwa

hani, ndi u rabela. Ndi khou yo tenda vhuimoni hanu. Ndi tenda uri zwe nda humbelia, U a nne, ngauri O fulufhedzisa uri U do ralo. A nga si kone u zwifha. A nga si kone u zwifha. Tshithu fhedzi—tshithu tshire tsha zwi thivhela u bvelela ndi hanga... hu do vha u sa tenda hanga. Ndi khou tenda vhuimoni hanu, uri inwi zwa vhukuma no amba zwenezwo. Huno Mudzimu u khou yo ni nea Muya Mukhethwa. U khou yo ni nea Wone, nge na U humbelia, ni ɬodou dinemekedza.

²¹¹ Huno arali no ita hezwo, ndi a ni vhudza zwine nda ɬoda ni tshi zwi ita. Ndi ɬoda ni tshi wana tshinwe tshivhidzo tshavhuđi tshi no tenda kha ndovhedzo ya Muya Mukhethwa, iyani henengei. Iyani henengei. Huno arali ni kha ulwo lushaka lwa tshivhidzo, iyani kha mufunzi wanu, ni mu vhudze, ni ri, “Ndo imisa zwanda zwanga vhuňwe vhusiku, kha muťangano muťuku.” A ni tei vhuuya na mu vhudza uri wo vha u ngafhi. I ri ni, “Ndo imisa zwanda zwanga, ndi ɬoda ni tshi rabela na nne, mufunzi. Ndi—ndi—ndi khou ɬoda ndovhedzo ya Muya Mukhethwa. Ndi khou I ɬoda. Ndi fanela u vha Nayao. Ndi fanela u vha Nayao, uri ndi tshile. Ndi tou fanela u vha Nayao! Ndo vhona Tshedza.” Oo, Mudzimu kha ni tendele Yone. Naa ni do zwi ita zwino?

²¹² Huno zwino musi muňwe na muňwe e ngomu hafha, musi ri tshi khou yo imba, “Ndi a dinemekedza, ndi nekedza zweithe. Zweithe kha Kristo, Mutshidzi wanga, ndi nekedza zweithe.” Ndi zwone, kha ri imise zwanda zwashu zwino, huno ri vale maťo ashu, musi ri tshi imba.

Ndi nekedza zweithe,
Ndi nekedza zweithe,
Zweithe kha Iwe, Mutshidzi wanga o
fhaťutshedzwaho,
Ndi nekedza zweithe.

Ndi nekedza zweithe,
Ndi nekedza zweithe,
Zweithe kha Iwe, Mutshidzi wanga o
fhaťutshedzwaho,
Ndi nekedza zweithe.

²¹³ Naa ni khou amba zwenezwi? I ri ni, “Amene.” [Tshivhidzo tshi ri, “Amene.”—Mudz.] Zwino ndi ɬoda ni tshi ita tshinwe tshithu zwavhuđi vhukuma zwino. Muňwe o imaho tsini hanu, isani tshanda khae, huno ni ri, “Mukomana, ndo amba zwenezwo. Nthabeleleni.” Kha ri ite zwenezwo, rothe khathihi, ri zwi ite zwa zwino.

[Mukomana Branham u amba na avho vha re kha pulatifomo—Mudz.] Mukomana, ndo amba zwenezwo. Nthabeleleni. Mudzimu a ni fhaťutshedze. Mudzimu nga a fhaťutshedze...nne.

Izwo zwe luga. Izwo ndi zwavhuđi. Oo, naa a zwi ni iti uri ni pfe ni wavhuđi? Ndo amba zwenezwo.

²¹⁴ Zwino arali zwa vhukuma zwi tshi bva mbiluni dzashu, ri tshi amba zwenezwi, ri nekedza tshiňwe na tshiňwe, lufuno lwashu riňe vhaňe, ndila džashu riňe vhaňe, tshiňwe na tshiňwe tshine ra vha natsho, ri nekedza kha Kristo, kha ri imise zwanda zwashu hafhu huno ri imbe.

Ndi nekedza zwothe,
Ndi nekedza zwothe,
Zwothe kha Iwe, Mutshidzi wanga o
fhaťutshedzwaho,
Ndi nekedza zwothe.

²¹⁵ Kha ri kotamise zwifhađuwo zwashu zwino, huno ri imbe. [Mukomana Branham u thoma u nüñuna, *Ndi Nekedza Zwothe*—Mudz.] Zwino itonu issa thalukanyo yanu Khae. “Ndi...” Ndi ni tamela Khushumusi ya dakalo nga maandesa, uri Mudzimu u do rumela Naledzi Yawe i bvaho Vhubvađuvha, ye ya tavha Vhubvađuvha, miňwaha ya gidi daňahe yo fhiraho, huno i do ni endedzela kha Ipfì lo itwaho nama. [Mukomana Branham u bvela phanđa na u nüñuna, *Ndi Nekedza Zwothe*.]

Ndi nekedza zwothe,
Ndi nekedza (zwanda ntja kha Mudzimu),
Zwothe kha Iwe, Mutshidzi wanga o
fhaťutshedzwaho,
Ndi...

Mudzimu a ni fhaťutshedze, Tony.



Ro VHONA NALEDZI Yawe Huno Ro Da U Mu Luvha TSV63-1216
(We Have Seen His Star And Have Come To Worship Him)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Musumbuluwo, Nyendavhusiku 16, 1963, u itela tshimima tsha Vhuṭama ha Dzitshakha ha Mafhungo-mađifha o Dalaho ha Vhanna vha Bindu ngei Ramada Inn kha la Tucson, Arizona, U.S.A., wo dzhiwa kha rekhodo ya theiphi ya maginete huno wa gandiswa u songo pfuhifihadzwa nga Tshiisimane. Heyi ḥhalutshedzo ya Tshivenda yo gandiswa huno ya phađaladzwa nga vha Voice Of God Recordings.

TSHIVENDA

©2014 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org